



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

19412

ՀԱՅԿԱՍՏԱՆԻ ԳՐԱԳԻՏՈՒԹՅԱՆ ԿԵՆՏՐՈՆ

ՄԵԻ ՅԱՂԹԱՆԱԿ

Վ Է Պ Ի Կ



800

174-43

891.99

Կ-55

Թ Ի Ֆ Լ Ի Մ

Տպարան Մովսէս Վարդանեանի

1903

Handwritten signature or initials

712 50 2ms



ԲՐԳՐԱՅ ԸՅՎ ԱԶԵԱՆՑ

891-99

Q-55

19 NOV 2010

20 JAN 2006

ՍԵՒ ՅԱՂԹԱՆԱԿ

Վ Է Պ Ի Կ



КНИЖН. МАГАЗ.
„ПОСРВԱՆԻՔԷ՛“
ԵՄՍ
ՍԱՐԱՔԵ՛ՏԷ՛

Handwritten signature

Թ Ի Ֆ Լ Ի Ս

Տպարան Մովսէս Վարդանեանի
1903

11.02.2013

19412

8008 HAL 08



ՍԵՒ ՅԱՂԹԱՆԱԿ

I

Խաւարը արագութեամբ յետ քաշեց Թիֆլիս քաղաքից իւր փեշերը, եկեղեցիների զամբիթները փայլեցին սուաւօտեան արշալոյսի տակ, և զանգերի «եըրորդի» մեղմ զօղանշիւնը տարածուեցաւ քաղաքի մի ծայրից միւսը:—Քաղաքը զարթնում էր, կամաց կամաց փողոցների մէջ երևում էին մարդիկ, հետզհետէ բացւում էին տների դռները, որտեղից զուրս էին գալիս մարդիկ, երեսները խաչակներում էին և գնում ամենն իւր գործի:

Դատարկ փողոցները լցւում էին մարդկանցով, կառքերով, բարձած կենդանիներով և ձիերով:

Մշակները կռնատակին իրանց հացը զրամ խումբ խումբ գնում էին իրենց բանատեղին, որմնաղիւղները, ատաղձագործները և ուրիշ արհեստաւորները, որոնք արդէն զործի վրայ էին, շտապում էին փողոցների զանազան կողմերով,

Дозволено Цензурою. 25 Февраля 1903 г. Тифлисъ.

խակ որոնք դեռ գործ չունէին, շտապում էին զէպի հրապարակները գործ դտնելու: Սայլակներով կրում էին գաջը, աղիւսը, հողը: Սայլապանը վագում էր զէպի երկաթուղու կայարան իսկ խանութ ունեցողները շտապով բաց էին անում իրենց խանութները, մաքրում, աւելել տալիս, թոգերը սրբում և սպասում «սիլծայի» (առաջին զնոդին):

Մի տեսակ սիրուն, գործունեայ, եռուն կեանքի պատկեր է ներկայացնում Թիֆլիսը առաւօտեան արշալոյսին, երբ բանուր, գործունեայ, ստոր դասակարգին պատկանող մարդիկ արևի անդրանիկ ճառագայթների հետ զարթնելով շտապում են իրենց գործին:—Այդ ժամանակ Թիֆլիսի փողոցների մէջ չէք գտնի շինապան գլխին, տրոստը ձեռքին, օսլայած շապիկը հագին, կոկ հագնուած ֆրանտների. դրանց չէ պատկանում առաւօտուայ այդ ժամը, դրանք այդ միջոցին ննջում են անուշ ու քաղցր քնով:

Սիրուն է այդ ժամը և մարդու հոգու վրայ թողնում է խոր անջնջելի տպաւորութիւն, տեսնելով թէ ինչպէս ցնցոտիների մէջ փաթաթուած մշակը անցնելով եկեղեցու դռան մօտով հանում է գլխարկը, եկեղեցու դուռը համբուրում, լի կրծքով շունչ քաշում առաւօտուայ թարմ օդը և իւր երգը մրմնջում, բայց որքան շուտ փոխում է իւր հոգու տրամադրութիւնը այդ երգը երգելով, նա յաճախ յիշում է իւր

հայրենի երկիրը, այնտեղի սիրուն ու պայծառ առաւօտը, իւր կինն ու որդիքը, սիրուն դաշտերն ու ձորերը... ան, սիրուն է իւր երկիրը, անտէր մնայ օտարութիւնը, քիչ յետոյ կը տընքայ արդէն ծանր բեռան տակ...

Եկեղեցիների հերոզների հետ զարթնում են շարահմի ճնճողակները և իրենց ծլվլոցը սարքում, այն ինչ արագագները իրանց ծուղրուղուն կանչելով աւետում են արշալոյսի յաղթութիւնը:

Յած թռան հաւերը թառից և սկսան աղբը քչփորել, հատիկներ որոնել: Ահա արագաղը կրուկացրեց, նա ինչ որ գտել էր. հաւերը վրայ վազեցին դրա յետեից և որդի համար կուր սկսան, քիչ յետոյ որդի հետքն անգամ չմնաց, հաւերը պատառ-պատառ արին որդին և յաղթող հաւերից ամեն մէկը կուլ տուեց որդի մի կտորը ..

Որդի կուրը նոր էր վերջացել երբ արագաղը մի ինչ սր զգուշացուցիչ ձայն հանեց, հաւերը ականջները սրեցին և ապա ամեն մէկը մի բանի տակ մտան. վտանգը մօտ էր. բարձրումը թռչում էր ուրուրը:

Քիչ յետոյ բացուեցան տան սենեակի դուրները և քնաթաթախ դուրս կկաւ բակը տան տիկինը, հաւերը վրայ վազեցին նրան. նրանք սովոր էին առաւօտեան կուտի: Տանտիկինը, որ մի պառաւ կին էր տհաճութեամբ քշա արաւ, մտաւ խոհանոց և կրակ վառեց հեշտահեռի հա-

մար և ապա մի բուռը զարի ամելով հաւերի առաջ ինքն իրեն ասաց՝ «այսօր բարեկենդան է այս մի հաւը պէտք է մորթել», ասաց նա և մատնացոյց արաւ մի հաւի, որը ձու չէր ածում և հագիւ իւր զոյւթիւնն էր պահպանում: Անցաւ մի քանի ժամ և նա արդէն մորթած էր: Բայց այդ միջոցին երբ պառաւը իւր հաւն էր մորթում դրսի փողոցի կերպարանքը արդէն փոխուել էր: Արևը արդէն բաւական բարձրացել էր, իսկ փողոցների բազմութիւնը շատացել, բանուոր դասակարգը քշացել էր, իսկ նրանց տեղ անցնում էին փոքրիկ տղաներ և աղջիկներ, որոնք զանազան ուղղութեամբ էին գնում՝ ամենը իւր դպրոցը: Աշակերտների և աշակերտուհիների հետ միասին երևում էին նրանց ուսուցիչներն ու վարժուհիները, ծառայողներն ու աստիճանաւորները: Բանուոր դասակարգի գործիքների՝ քլունգի, սրոցի, սղոցի և նրանց ցնցոտիների և մաշուած հագուստի փոխարէն այժմ տեսնուում էր աշակերտների և աշակերտուհիների ձեռքի գրքերը, վարժապետների ձեռքին մի կիտուրս տետրներ, պորտֆէյլներ, օսլայած շապիկներ, մաքուր զգեստով, շինապով մարդիկ և կակարդով զլխարկներ:

Դրանք էլ էին գնում գործի, միայն զբանք երգեր չէին մոմուում այլ լուռ, աչքերը ցած ձգած գլանակը բերաններին, ձեռնափայտերը շարժելով շտապում էին առաջ:

Մնում էր տանը միայն մի դասակարգ— աղաների և անգործ մարդկանց դասակարգը, որոնք ծանր ու բարակ վեր կենալով անկողնից կամաց-կամաց խմում են պատրաստ թէյը, և ապա զարդարուելով կէսօրուայ դէմ լցնում են բուլվարներն ու այգիները:

Առաւօտուայ ժամը 7¹/₂ էր:

Ծխական դպրոցի ուսուցիչ Միքայէլ Հայրապետեանը կռնատակը դնելով մի կապոց աշակերտների տետրներ կամաց կամաց իւր քայլերն ուղղեց դէպի դպրոց: Կէս ժամից յետոյ կըսկսուէր դասը, հարկաւոր էր շտապել:

Արդարև այսօր նա ուզում էր շուտ հասնել ուսումնարան, թէև ինքը գիտէր որ որքան դանդաղ գնայ, տաս րոպէում տեղ կըհասնի և թէ դասը 8 ժամից վաղ չի սկսուի. նա այդ գիտէր, բայց շտապում էր, թէ ինչո՞ւ, ինքն էլ չգիտէր: Այդ միջոցին նա ոչ տխուր էր, ոչ էլ ուրախ, բայց թէ զգում էր, որ իւր հետ մի ինչ որ կատարուում էր, մի ինչ որ որդ, ճիճու կարծես բուն էր դրել իւր սրտում և նրան հանգստութիւն չէր տալիս: Նա այդ ժամանակ ոչ մի բանի վրայ չէր մտածում, ոչ դասի, ոչ իւր վրայ, ոչ բարեկամի և ոչ ծանօթի. նրա գլխի մէջ ոչ մի միտք չէր կանգնում, և ոչ մի իրողութեան ղէպը չէր կենդրոնանում նրա ուղեղի մէջ. միայն զգում էր, որ ինքը անհանգիստ է, որ իւր հետ պատահում է մի փոփոխութիւն:

Նա չէր զգում մինչև անգամ թէ ինչպիսի
ահագին քայլերով առաջ էր գնում. նա անգի-
տակցօրէն էր բարևում իւր այն աշակերտներին
կամ ծանօթներին, որոնք ճանապարհին բարևում
էին իրան:

Հասաւ դպրոց. ընկերներին բարևեց, որոնք
իսկոյն նկատեցին նրա շփոթութիւնը:

— Զը՛ Միքայէլ, ինչ է պատահել քեզ, ին-
չու ես շփոթուած երևում:

— Ե՛ս, շփոթուած, բան չունիք, ասաց կար-
մրատակելով Միքայէլը, բայց ընկերները իսկոյն
գլխի ընկան որ մի բան կայ, բայց Միքայէլը
թազցնում է:

— Զը՛ ասա՛, թէ խէր է մենք էլ ուրախա-
նանք, փող հօ չնս գտել:

— Է՛հ, դուք էլ, ինչեր էք խօսում, փողը
իւզոտ մարդու մօտ կերթայ, մենք իւր սրտեղ
ունինք, ասաց ծիծաղելով Միքայէլը:

— Ելի՛ մի բան պատահել է քեզ:

— Ոչինչ էլ չի պատահել:

Խօսքը ուրիշ առարկայի մասին անցաւ և
քիչ յետոյ ամեն վարժապետ իւր դասատուն
մտաւ. Միքայէլն էլ իւր դասատուն մտաւ և մո-
ռացաւ այն, ինչ որ պատահել էր իւր հետ, և
որ այնպէս շփոթել և այլայլել էր իրան:

II

Թ իֆլիսի ն. փողոցում, ուր ապրում էր
Միքայէլ Հայրապետեանը, ճիշտ դորա տան
գիմաց. մի աղքատիկ տան մէջ, ապրում էր դա-
բաղ Գևորգի այրին, տիկին Մարթան իւր միակ
աղջկայ՝ Սօնայի հետ: Չորս տարի էր ինչ որ
այրիացել էր տիկ. Մարթան և այդ չորս տա-
րուայ ընթացքում ամեն հոգսը ընկել էր միայ-
նակ իւր վրայ. նա ամեն ճիգ էր թափում մի
կերպ տունը կառավարելու և իւր հասունացած
աղջկան—Սօնային մի լաւ իւզոտ տեղ մարդու
տալու:

Տիկին Մարթան մօտ քառասուն տարեկան
կին էր նա այնպիսի ճարտար լեզու ունէր, որ
շատ կանանցից միայն քչերին է տուած. սիրում
էր ամեն տեղ գլուխը կոխել, ամեն բան իմա-
նալ և ամեն վիճարանութեան ժամանակ իւր
կարծիքը յայտնել: Վայ էր եթէ մէկը դրա հետ
հակաճառէր, էլ դրա լեզուի տակից չէր ուզա-
տուիլ նա, էլ բանբասանք չէր թողնիլ, որ չը-
թափէր խիղճի գլխին: Թէե նիւթական ամենա-
նեղ վիճակի մէջ էր գտնուում, բայց այդ բանը
ոչ որ չէր իմանում: Տիկին Մարթան այնպիսի
ճարտարութեամբ կառավարում էր տունը, որ
տեսնողը զարմանում էր և ենթադրում թէ հան-
գուցեալ մարդուց շատ փող է մնացել և այդ

փողով կառավարում են թէ ինքը և թէ իւր
 աղջիկը. իսկապէս տիկին Մարթան կառավար-
 ւում էր իւր և աղջկայ ձևոքի աշխատանքով և
 այդ շնչին աշխատանքն էլ գործ էր դնում այն
 տեսակ բաների վրայ, որ հարևանների աչքը
 չլացնում էր: Նա սիրում էր տունը կոկ պահե-
 լու, լաւ հագնուելու թէ ինքը և թէ աղջիկը.
 իսկ թէ ինչով էին կերակրում այդ ոչ ոքի
 յայտնի չէր, թէ և ինքը միշտ պարծենում էր
 թէ օրական երկու տեսակ կերակուր է ուտում:
 Նա փախչում էր աղքատ, խեղճ երեւուց, ըմ-
 բռնելով ժամանակիս ոգին, որ աղքատ մարդու
 երեսին չեն նայում, ինչքան էլ նա նամուսով,
 պատուով ապրի: Տիկին Մարթան հրճում էր
 իւր աղջկայ Սօնայի վրայ, որ նոր մտել էր
 տասն և եօթերորդ գարունը: Նա չէր յուսահատ-
 վում որ փող չունի, քանի որ ըմբռնում էր որ
 իւր աղջիկը իսկական մի գանձ է, քանի որ ա-
 մեն մի հարուստ փեսացու գլուխ կըխոնարհէր
 նրա առաջ և բացի առանց օժիտի տանելուց
 ինքն էլ մէջը կըլվլվայ: Յիրաւի գեղեցիկ էր
 Սօնան:

Նա ունէր նուրբ կաղմուածք, վայելուչ հա-
 սակ, գեղեցիկ սիրուն դէմք իւր սիրուն սև սա-
 թի նման աչքերով, բարակ, քնքուչ յօնքեր,
 փոքրիկ բերան, վարդագոյն շրթունք, խոր տպա-
 ւորող հայեացք:

Ով մի անգամ նայում էր նրա երկնային

դէմքին, էլ չէր ուզում աչքերը հեռացնել նրա-
 նից, այնքան սիրուն էր նա և այնքան գրաւիչ:
 Իսկ եթէ պատահէր որ Սօնան իւր սևորակ աչ-
 քերը յառէր մէկէ վրայ, նա տեղն ու տեղը հա-
 լումաշ կըլինէր և աչքիւրը գետին կըձգէր: Ան-
 գին մարդարիտ էր Սօնան իւր մօր համար և
 այդ է պատճառը, որ տիկին Մարթան միշտ
 կըկնում էր աղջկան. «Սօնա-ջան, դու այս նեղ
 սենեակների լայիզ աղջիկ չես, այլ պալատների
 համար ես ստեղծուած, ինչ ասեմ Աստուծուն,
 որ մեզ խեղճ ծնեց, որ մեզ մեծ հարստութիւն
 շտուեց»: Նա միշտ դժգոհ էր իւր վիճակից,
 միշտ գանգատուող իւր բաղդից: Միշտ ուզում
 էր մեծանալ, հարստանալ, մեծ և նշանաւոր տի-
 կիներին հետ ոտ ձգել, բայց այդ նրան չէր յա-
 ջողում, նախ միջոցների սղութեան և երկրորդ
 գաբաղի կին լինելու պատճառով:


Թէև տեսնողներ և հաւանողներ եղան Սօ-
 նային նաև հարուստ դասակարգի երիտասարդ-
 ներից, բայց իմանալով ում աղջիկ լինելը, թո-
 դեցին իրենց մտադրութիւնները առաջարկու-
 թիւն անելու Սօնային և նա դեռ մնում էր իւր
 բաղդին:

Տիկին Մարթան շտապում էր շուտով աղջ-
 կան նշանադրելու, շտապում էր ոչ թէ նրա հա-
 մար, որ ժամանակը անցնում էր, ո՛չ, այլ ինքը
 ապրել էր ուզում, հանգիստ ու անդորր կեանքի
 էր փափագում. իւր «նեղ» կեանքը իրեն արդէն

ձանձրացրել էր, նա ուզում էր վայելի: Այդ տենդով էր բռնուած նաև Մօնան, որ երկրորդ դասարանից դուրս գալով մի կողմը թողից գիրքն ու դասը: Մայրը նրան դաս էր տալիս, որ ժամանակիս արժանաւորութիւնը ուսումը չէ, այլ արտաքին պեղեցկութիւնը, այդ է միայն զնահատում, իսկ մնացածը դատարկ բաներ են:

Մօնան արդէն հասունացած աղջիկ էր. նա սրտով ու աչքերով արդէն պտրում էր իւր ապագայ ընկերին, նա դեռ այնքան նշանակութիւն չէր տալիս հարստութեան, այլ պտրտում էր սիրուն և վայելուչ դէմքով երիտասարդի, թէև գիտէր, որ առանց փողի կեանք չի կարելի վարել:

Նա արդէն հակուած էր իրենց դիմացի հարևան Միքայէլ Հայրապետեանի կողմը և իւր մտքում արդէն իւր նշանածն էր համարում:



Մորաբողբոջ կեանքի թարմ ծաղիկները արդէն բացուած էին և անուշութիւն էին բերում. այդ կեանքը սէր էր պահանջում, երկնային Պետից առաքուած բնատուր սէր: Ախ, սիրուն է այդ երկնային սէրը, որ նոր բացուած կոկոնների մէջ է արծարծւում... Հեռու դորանից կեղծիք, ժանտ ատելութիւն, զգուելի հակակրութիւն, ստոր խաբէութիւն, աչքը չէ որ այդտեղ տեսնում է, միտքը չէ որ ըմբռնում է, այլ սրբտերն են որ խօսում են լուռ, անձայն, բայց որոնք հասկանում են միմեանց աւելի լաւ քան լեզուով խօսածները: Այդ տեղ ահա, սրտերի այդ մութ, բայց սրբազան խորքերումն է ծնւում սէրը, այդտեղ է զարգանում ընդլայնւում ու տարածւում առանց ուշք դարձնելու մարդու այն խելքին, գիտակցութեանը, որով կառավարւում է մարդու կամքը և Միքայէլ Հայրապետեանը չլսեց իւր գիտակցութեանը և գերուեցաւ Մօնայի ազդող հայեացքից. նա արդէն գերի էր իւր սրտին, որ գաղտնապէս խօսում էր Մօնայի սրտի հետ:

Սիրուն դէմքով, պայծառ ու զուարթ աչքերով, ուրախ ու զուարթ հոգով Միքայէլը ամեն առաւօտ դնում էր գպրոց և այնտեղ՝ ամենդ մանուկների մէջ իւր հոգու վայելքները վա-

յելում: նա ապրում էր նրանց հետ, նրանց աշխարհում, նրանց հետ լալիս, նրանց հետ ուրախանում: Մանկական աշխարհից դուրս ոչինչ չէր փնտուում և ոչինչ չէր ցանկանում... իւր իղձը այդ էր, ապրել նրանց աշխարհում, առաջնորդել նրանց դէպի բարին, դէպի ազնիւն ու վսէմը և դէպի լոյսը... ու նա ապրում էր հանգիստ, անխուսով և գոհ, այն ինչ տարիքն անցնում էին և դէմքը աւելի խոհուն և լուրջ կերպարանք ստանում: Միքայէլն արդէն քսան և չորս տարեկան էր: Նիհար բայց կարմրաթուշ դէմքով, գեղեցիկ սև սև աչքերով, որոնք տեսնողին յարգանք էին ազդում: Ն... փողոցում նա վարձած ունէր երկու գեղեցիկ, մաքուր սինեակ ամսական տասն ուրբի վճարով, ուր սովորութիւն ունէին երեկոները երբեմն ընկերների հետ ժամակ անցկացնելու, վիճելու, խօսելու զանազան հասարակական հարցերի մասին և այդ երեկոներից յետոյ ընկերների հետ միասին վայելելու ընթրիքը, որի սեղանի վրայ միշտ փայլում էր իւր սեպհական այգուց ուղարկուած գինին և չուշխելաները:

Համեստ, բայց բաւարար կիանք էր վարում նա ի նկատի ունեցած այն հանգամանքը, որ բացի ուսուցչական ռոճկից նա ունէր թելաքաղաքում սեպհական այգի ու կալուածք, որի եկամուտի մի մասը խնայում էր, իսկ միւս մասը իւր ընկերների հետ էր կիսում:

Ապրում էր անհոգ, հանգիստ և իւր մտածութեանց առարկան միայն իւր աշակերտներն էին և ընթերցանութիւնը:

Բայց ինչ կայ մարդուս կեանքի մէջ մնալուն. ամեն բան փոխւում է՝ թէ հանգամանքները, թէ դրութիւնները և թէ մարդուս նոյն ինքն սիրտը—այն սիրտը, որ տրամադիր է ցաւելու և ուրախանալու, տրտմելու և զուարճանալու, սիրելու և ատելու... Ո՛վ կարող է շղթայել մեր զգացմունքները, որ յանդուգն կարող է արգելել սրտին լալու երբ նա տրամադիր է արցունք թափել, որ անիրաւր կը կաշկանդի մեր սրտերի այն զգացմունքները, որոնք տրամադիր են սիրելու: Միքայէլի սիրտը սիրոյ էր համակուած և այդ սերմերը ընկան նրա սրտի մէջ: Չատ անգամ տեսել էր Միքայէլը Սօնային, բայց ոչ մի անգամ առանձին ուշադրութիւն չէր դարձրել. նա տեսել էր ու անցել առանց անգամ յիշելու նրա դէմքի գծագրութիւնը, բայց այն օրը առաւօտ, երբ նա դպրոց էր գնում, նայեց Սօնային՝ ուղիղ նրա աչքերի մէջ, որտեղ տեսնում էր նրա սիրտը: Այդ ըոպէից նրա սրտի մէջ մտաւ մի իր, մի անտեսանելի, աներևոյթ բան, որ շփոթեց նրան և նա լուռ իւր քայլերն առաջ ուղղեց:

Նա զգաց որ իւր հետ մի ինչ որ պատահեց, որ իւր սրտի մէջ շարժուեց մի որդ, զգացմունքի մի թել և մի կերպ տրոփաց այնպէս ինչպէս թառի

IV

Տիկին Մարթան ազատ էր թողել իւր աղջկան ամենի հետ զրոյց անելու, ծանօթանալու, բայց ծածուկ հետևում էր իւր աղջկան. Սօնայի ոչ մի քայլը, ոչ մի մտադրութիւնը գաղտնիք չէր Մարթայի համար, մինչև անգամ Մարթան կարգում էր իւր աղջկայ մտքերը, գիտէր թէ նա ինչ է մտածում. ում վրայ քաղցր կամ դառն աչքով է նայում: Քայլ առ քայլ հետևում էր աղջկան և այնտեղ որտեղ տեսնում էր թէ ոչինչ չի դուրս գալ մէջտեղից-օգուտ չկայ, նա յետ էր քաշում իւր աղջկան, իսկ որտեղից գոնէ յուսոյ մի փոքր նշոյլ էր երևում, նա նրան առաջ էր քաշում, բայց այնպէս որ աղջիկն անգամ չէր իմանում թէ իւր մայրը զրգում է իւրան:

Սօնայի և Միքայէլի աչքով յօնքով խօսելն էլ նրանից գաղտնի չմնաց. նա շատ շուտ գլխի ընկաւ, նկատեց այդ բանը, բայց լուռ մնաց, դեռ իւր մտքումը ցածր ու բարձր արաւ, կշռեց Միքայէլին, թէ արդեօք Միքայէլը յարմար է իրեն փեսայ դառնալու, օգուտ կայ արդեօք իւրան համար, եթէ Միքայէլը փեսայ դառնայ. Մարթան սկսեց դաղտնապէս հետևել Միքայէլին, նրա ղվածքը (նիւթական ոյժը) փորձելու:

Նա իմացաւ նրա տոճկի քանակութիւնը, որ հասնում էր 40—50 մանէթի և բիթը վեր քաշեց: Դրանով փոքր չի կշտանայ, մտածեց նա. Հարկաւոր էր անշարժ կալուածք, և այդ էլ դտաւ. նա տեղեկացաւ, որ Միքայէլը ծնողներ չունի և թէ իւր հայրենիքում ունի տուն և այգի, որոնք արժէին առնուազն 4—5000 մանէթ. Ուրախացաւ Մարթան, տեսաւ որ Միքայէլի մէջ իւր կայ, բոլորովին անհրէթ չէ և թէ իւր տեսակէտից վատ փեսայու չէ:

Այդ տեղեկութիւնները ժողովեց Մարթան և հանդիստ իւր բանին կացաւ, առանց իմաց անելու Սօնային թէ ինքը նրանց գաղտնիքը դիտէ:

Սպասենք, մտածեց ինքն իրան Մարթան, ինչ կայ շտապելու. այս մէկը ձեռքներիցս չփախցնենք, եթէ սրանից լաւը կը պատահի, հօ լաւ, իսկ եթէ չէ սրան էլ պինդ պահենք:

Այսպէս էր մտածում Մարթան, այն ինչ օրերը մինը միւսի ետևից թուշում էին արագ, իսկ սրտերը ստէպ ստէպ իրար հետ խօսում, իրար միտք հասկանում, իրար զգուում, զգուում և համբուրում:

Բայց մարդկանց աչքերից գաղտնի ոչինչ չի մնալ. Որքան սրտերը լուռ խօսան, որքան նրանք ծածկին իրանց սրտերը, գաղտնի զրոյցը, այնու ամենայնիւ երիտասարդ սրտերի և

ուուն արիւնը, բորբոքուող սրտերը նրանց կը մատնէ:

Սէրը բորբոքուեց թէ չէ, սիրող պատանի-ները աչքերն էլ ուրիշ բան-չեն փնտրում բացի այն, ինչի վրայ որ մտածում են: Նրանց աչքին էլ ոչ մի բան չի գալիս, բացի սէրը: Սէրն է, որ հուրհուրատում է նրանց աչքերում և սիրոյ այդ հուրհուրատելը գաղտնիք չէ մնում սրտես աչքերից, այդ է, որ մատնում է սիրողներին, դա է, այդ աչքերն են, որոնք բաց են անում սիրող սրտերի ներքին աշխարհը...

Եւ Մարթան էլ վախեցաւ, որ հարեանները կը տեսնեն այդ բանը և թէ կըսկսուի զրոյցն ու բամբասանքը—կանացի անվերջ զրպարտանքը, և Մարթան մի օր կանգնեցրեց նրան:

— Սօնա-ջան, ի՞նչի ես այս վերջին ժամանակ այդպէս տխուր:

— Տխուր, ես, մայրիկ, ամենևին տխուր չեմ, պատասխանեց աղջիկը:

— Էլի, Սօնա-ջան, մի բան կայ, ոչ ոք հօ չէ բարկացրել քեզ, էլ ոչ երգում ես, էլ ոչ խօսում, էլ ոչ զրուստ ուտում. ի՞նչ է պատահել քեզ, հոգիս, ասա, սիրուն աղջիկս:

— Է՛հ, մայրիկ, ի՞նչեր ես ասում, ինձ ոչ ոք ոչ բարկացրել է և ոչ էլ տխուր եմ:

— Էլի, Սօնա-ջան, դու մի գաղտնիք ունիս և ինձանից թաղցնում ես:

Սօնան կարմրեց. նա զգաց, որ մայրը գլխի է ընկել:

— Ես ոչ մի գաղտնիք չունիմ, վճռապէս ասաց նա:

— Ի՞նչպէս չունիս, մի թէ ես չգիտեմ, էլ ինչո՞ւ ես ինձանից թաղցնում, մի թէ քո մօրը այդպէս ես սիրում:

— Ի՞նչ գաղտնիք, մայրիկ-ջան, ես քեզանից ի՞նչ բան պէտք է թաղցնեմ, ուրիշ ո՞վ ունիմ քեզանից անելի:

— Դէ որ այդպէս է, ասա, էլ մի թաղցնի, հո հօ ամեն բան գիտեմ:

— Ի՞նչ, մայրիկ-ջան:
— Վարժապետին դու սիրում ես, թէ չէ:

— Է՛հ, մայրիկ, այդպիսի բաներ մի խօսիր, ասաց Սօնան և քիչ մնաց լար:

— 2է, ջահէլ ես, աղջիկս, կարող ես խաբուել, փորձանքների մէջ ընկնել, ինչ որ անում ես, ինձ ասա, թէ չէ մի անդգոյշ քայլ կանես և խօսելու առարկայ կը դառնանք, անուններս կը կոտորուի. հօ գիտես մեր հարեանների հալը, զրանք էլ այդ տեսակ բաների են բանդ:

— Ես ոչինչ չեմ արել, մայրիկ, որ խօսելու առարկայ դառնամ:

— Գիտեմ, գիտեմ, ոչինչ չես արել, բայց վարժապետի հետ աչք ու յօնքով ես խօսեցել: Ո՞վ է դա, որ դրա հետ ուզում ես կապուել, դա քո ամուսինը չի կարող դառնալ, զուր մտքիցդ

հանիր, ասաց Մարթան և սուր թափանցող հա-
յեացք ձգեց աղջկայ վրայ:

Սօնան դողդողաց, կարմրեց, արիւնը գլու-
խը խփեց, նրա սիրտը բոլորեց այդ բանի դէմ
և նա միայն ասաց.

— Ինչո՞ւ, մայրիկ:

— Ինչո՞ւ, շատ պարզ, որովհետև նա կին չի
կարող պահել:

— Բայց նա խելօք տղայ է:

— Ելի կրկնում եմ, որ ներկայ ժամանակիս
խելքը չի պահում մարդուն, այլ փողը:

Սօնան լուռ կացաւ և ոչինչ չպատասխա-
նեց: Նրա դիտակցութիւնը այնքան բարձր չէր
հասնում որ կարողանար մօր այդ խօսքերին
պատասխան տալ, նա կարծես համաձայնեց,
հակառակ իւր սրտի, որ խելքը առանց փողի
ոչինչ է:

— Այդպէս աղջիկս, դու վարժապետին մըտ-
քիցդ հանիր, դու պատճառ մի դառնայ, թող
եթէ նա քեզ սիրում է, թող առաջարկութիւն
անի, դրա համար ձև կայ, օրէնք կայ և ոչ թէ
դու գնա նրա գիրկը ընկիր: Ինչ ես դարդ ա-
նում, քեզ նման սիրուն աղջիկը տանը չի մնայ,
հազարաւոր երիտասարդներ քեզ տեսնելով խելք-
ները թռցնում են:

Սօնան ոչինչ չպատասխանեց և մտածու-
թեան մէջ ընկաւ:

v

Միքայէլը տանջուում էր. հետզհետէ նրա
մտքի էութիւնը կենդրոնանում էր Սօնայի վրայ,
նորանից դուրս էլ ոչինչ չէր փնտուում, ոչինչ
չէր մտածում: Հեռո՞ւ, շատ հեռու մղուեցաւ
կրթութեան գործը, մանկական աշխարհը, ամեն
բան հանուեցաւ նրա գլխից և այդտեղ լայն
ծաւալով նստեցին միայն սիրոյ մտապատկեր-
ները:

Նա երբեմն կանգ էր առնում, խելքը գլու-
խը ժողովում և մտածում իւր դրութեան վրայ:
Նա զգում էր, որ ինքը այլայլուած է, որ սի-
րահարուած է:

— Ահա այն սէրը, որի վրայ ես երբեմն ծի-
ծաղում էի, ասում էր նա, ահա նա. ես դպում
եմ նրան, նա զրկել է ինձ իւր պինդ և կրկա-
թի ձեռների մէջ, սեղմում է ինձ իւր բոցավառ
զրկի մէջ և քրքրում ու տակն ու վրայ անում
սիրտս... Ո՛հ ծանր է, շատ ծանր այս դրու-
թիւնը, դրութիւն, որի վրայ ամենքը սառնա-
սիրտ են նայում, որի վրայ ծիծաղում են ա-
մենքը այնպէս, ինչպէս ես ծիծաղել եմ շատե-
րի վրայ... Աստուած իմ, կանցնի արդեօք այս
դրութիւնը, թէ հետզհետէ կը սաստկանայ. բայց
ես առանց նրան չեմ կարող մնալ, ոչ մի ժամ,

ոչ մի ըոպէ, ոչ մի վարկեան, նա նստած է սրբոտիս մէջ, իսկ ես նրան չեմ կարողանում գրկել։
 նա խօսում է ինձ հետ սրտիս մէջ, բայց չեմ լսում նրա ձայնը... Ի՞նչ է դա, հրեշտակ թե՞ դե, անուշ է հնչում նրա ձայնը, թէ՛ դեհենի ձայն ունի, հոգի է նա անմեղութեան, համեստութեան, թէ՛ սատանայ և խորամանկ, ես այդ չգիտեմ, բայց թէ նա իշխում է ինձ, բայց թէ ես այս ըոպէիս նրա ստրուկն եմ, գերին եմ ահա այդ է ճշմարտութիւնը։ Խելքս կորցրեց դատելու ընդունակութիւնը. այժմ մի բան միայն մի իղձ միայն ինձ տանջում է և այդ Սօնայի ինձ սեպհականացնելն է։ Բայց ինչպէս, ո՞ւմ միջոցով, ինքս դնամ ընկնեմ Սօնայի և նրա մօր ոտքերը և բանամ սիրտս—անկարելի է։ Բարեկամ-ազգական շունիմ այստեղ։ Ա՛խ, եթէ մայրս կենդանի լինէր, այն ժամանակ այսպէս չէի տանջուի...

—Ո՞վ ունիմ աշխարհիս երեսին, սր իմ մասին հոգայ, իմ վշտերս սփռփէ. եթէ մեռնելուս լինիմ գերեզմանիս վրայ լայ, ողբայ...

Այդպէս մտածում էր Միքայէլը, արագ շրջելով իւր սենեակի մի ծայրից միւսը, առանց նկատելու որ արդէն միջնել էր և թէ հարկաւոր էր վառել սենեակի լամպարը։

Ներս մտաւ իւր տանտիկինը, որ 35 տարեկան մի բարի կին էր. նա վերջին ժամանակս զարմացել էր Միքայէլի օտարոտի վարմունքի

վրայ, բայց սիրտ չէր անում հարցնելու Միքայէլից նրա տխրութեան պատճառը։ Այս հրեկոյ միայն տեսնելով որ Միքայէլը արագ շրջում է սենեակում և դեռ ճրագը վառած չէ, նա ներս մտաւ և վառելով լամպարը հարցրեց.

— Հը՛, վարժապետ, ի՞նչու լամպարը չէք վառել։

Միքայէլը կանդնեց և շփեց իւր ճակատը, կարծես մի ինչ որ ուզում էր մտաբերել։

— Ինչպէս... հարցրեց Միքայէլը։

— Ես ասում եմ ի՞նչու լամպարը չէք վառել, հիւանդ հօ չէք, ի՞նչ է պատահել ձեզ։

Մի միտք կայծակի նման անցաւ Միքայէլի գլխով և ցրեց նրա տխուր մտքերը. նա շտապով նստեց աթոռի վրայ և ասաց.

— Մայրիկ, նստեցէք մի ըոպէ, ես ձեզ հետ գործ ունիմ։

— Եսացէք, որդի, ի՞նչ գործ ունիք։

— Դուք ճանաչում էք միւր դիմացի կենսողի աղջկան։

Տանտիկինը մատը կծեց, նա մի բան գլխի ընկաւ։

— Հա, ինչպէս չէ, դաբաղ Գէվոյի աղջկան՝ Սօնին։

— Դաբաղ... ինչպէս թէ դաբաղ։

— Հա՛, դաբաղի աղջիկ է, բայց հայրը վաղուց մեռած է, այժմ կենում է իւր մօր՝ Մարթայի հետ։

— Հա հենց նա է, ինչպիսի աղջիկ է:

— Ձառ լաւ, սիրուն, շնորքով աղջիկ է, ինչ է որ:

— Էլ ինչ ինչ է, մայրիկ, ես գժուածի պէս սիրում եմ նրան, դու պէտք է միջնորդես և այդ բանը գլուխ բերես, թէ չէ եթէ նա իմ կինը չլինի, ես դարդից կը մեռնեմ:

— Էլ ինչի՞ ես մեռնում, որդի, նա ջահէլ աղջիկ, դու ջահէլ տղայ, էլ ինչէ է ուզում նրա մայրը, քեզանից էլ լաւ փեսայ ո՞րտեղ կըզտնի:

— Ուրեմն խօսք ես տալիս այդ բանը գլուխ բերելու:

— Ինչ որ իմ ձեռքից կը գայ կաշխատեմ:

— Իսկ աշխատանքդ չեմ մոռանայ:



VI

Միբայէլի տանտիկինը ներս մտաւ Մարթայի մօտ:

— Այ կնիկ, պիտես ինչի համար եմ եկել:

— Հը՛, ինչ կայ, խէր լինի:

— Խէր է ու այն էլ ինչպէս:

— Ասա տեսնենք:

— Վարժապետը քո աղջկան գժուածի պէս սիրում է և ինձ ուղարկեց, որ քո համաձայնութիւնն իմանայ:

— Ի՛հ, Սօփօ ջան, բան չունես, որ այդպիսի բաներ ես խօսում:

— Հ՛ը, ինչ ես ասում, լայեղ չես անում թէ ինչ է:

— Լայաղութեան բան չէ, ինչու լայեղ չեմ անում, ուսում առած, խելօք տղայ է, բայց վարժապետութեամբ կարող է կին պահել:

— Աղջի, ինչի չի կարող պահել, ամսական հինգ թուման ոտճիկ ունի, իւր աշխարհքում սուն ունի, բաղ ունի, դինին դալիս է, խաղողը դալիս է, էլ ինչ ես ուզում, ջուխտ ոտքով բաղդաւորութեան մէջ ես ընկնում:

— Ի՛նչ պէտք է արժեանայ դրա մուլքը:

— Ասում են հազար թուման արժէ:

— Զեմ իմանում ինչ պատասխան տամ քեզ Սօփօ-ջան, ասաց Մարթան:

— Էլ ինչ պատասխան պէտք է տաս, վերջացած բան է, նա քեզանից ոչ փող է ուզում ոչ բաժինք, դատարկ աղջիկ էլ չես տալ:

— Դէ լաւ, թող քո խօսքն լինի, միայն խրատիր տղին, որ նշան բերի, ինձ հարեանն ի անաջ սևերես չանի:

— Զատ լաւ կը լինի, այս շաբաթ նշանը քեր կուտենք, իսկ միւս կիրակի հարսանիքը ասաց Սօփօն և գնաց Միքայէլին ուրախացնելու, իսկ Մարթան մնաց մտածութեանց մէջ ընկղմուած: Նրա միտն եկաւ Ղազարի Ս. գիւղը, իւր դժբաղտ ամուսինը՝ դաբաղ Գևոն, շաբաթներով տուն չէր գալիս և քնում էր գոթարանի մէջ վախենալով իւր կնոջ պահանջնրից, կուռից և ծեծից...



VII

Մի քանի օրից յետոյ կայացաւ Միքայէլի և Սօնայի նշանդրէքը և Միքայէլը համաձայն Մարթայի պատուէրին մի թանկաղին նշան բերեց:

Այժմ հարկաւոր էր հարսանիքի պատրաստութիւն տեսնել:

— Որդի, հիմա դու իմն ես, ինձնից քեզ խրատ չի հասնի, բայց էլի քեզանից մեծ եմ հասակով, դու ինձ պէտք է լսես, այնպիսի բան պէտք է բռնես, որ դուստ ու դուշմանի չծիծաղեցնենք, ասում էր Մարթան:

— Դէ լաւ, ես համաձայն եմ. ինչպէս դու կը կարգադրես, այնպէս էլ հարսանիք կը սարքեմ, թէև ես ուզում էի շատ համեստ անցկացնել:

— Զէ, համեստ անցկացնել ինչպէս կարելի է, միթէ ես իմ աղջկան այնպէս եմ պահել, որ հարսանիքը առանց սազանդարի ու առանց փայլի անցկացնեմ. չէ, փեսայ ջան, ինչ ուզում ես արա, փող մի խնայի, պարտք արա, բայց լաւ հարսանիք սարքիր, թող իմ դուշմանները ճարեն, թէ չէ հօ գիտես, շատերը աչք ունէին իմ Սօնայի վրայ, բայց նրանց չտուի աղջկաս, իսկ

հիմա, որ հարսանիքը շքեղ շլինի, էլ բան չեն թողնի որ մեր գլխին չլծափեն:

Թէև Մարթայի այդ խօսքերը լաւ տպաւորութիւն չարին Միքայէլի վրայ, բայց նա դրա խօսքիցը չդուրս եկաւ և մի շքեղ հարսանիք արաւ*):

Այդ հարսանիքի արդիւնքը այն եղաւ, որ Միքայէլը երկու հարիւր մանէթ պարտքի տակ ընկաւ. բայց Միքայէլը բնաւ պարտքի մասին ուշք չէր դարձնում, նա գիտէր, որ ետեւը տունն ու այգին կայ, նա միայն գոհ էր, որ իւր գըրկումն ունէր իւր սրտի ուզած նազեղի վարդը... Ու թռչում էին օրերը, ամիսներն ու տարիքը իրար ետեկից...

VIII

Միքայէլի և Սօնայի հարսանիքից անցել էր չորս տարի:

Հոկտեմբեր ամիսն էր: Միքայէլը կանգնած էր պատուհանի առաջ և տխուր նայում էր դուրս:

Գուրսը մաղում էր բարակ անձրևը և կաթիլ առ կաթիլ դիպչում ապակիներին, բաղխում նրան և հոսում ցած: Տխուր ու տրտում էր երկինքը, նա լալիս էր, նա արտասւում էր վհատ ու թախծալից կերպով և թախիծով լցնում Միքայէլի սիրտը:

Միքայէլը նայում էր անձրևի կաթիլներին և նրա հոգին լցւում էր դառնութեամբ, մինը միւսի ետեկից, իրար յաջորդելով տխուր մտքերը անցնում էին նրա գլխի միջով և խռովեցնում նրա հոգին:

Միքայէլը մտածում էր. նա յիշում էր չորս տարի առաջ իւր ուրախ կեանքը, ուրախ և անվրդով ժամանակը և համեմատում էր իւր ներկայ դրութեան հետ. որքան տարբերութիւն: Առաջ նա անհոգ և ուրախ էր, ոչինչ դարդ, ոչ մի վիշտ չէր խանգարում նրա ուրախ տրամադրութիւնը, իսկ այժմս օր աւուր, ժամ առ ժամ դարդւում էին իւր հոգսերը:

*) Միքայէլի խաչեղբայրը համաքաղաքացի երիտասարդ Գ. Մ-ն էր, որը հարսանեաց ծախսերի մէջ իւր փողերը աւելի շուայելով հանդիսին շքեղութիւն էր տալիս, մանաւանդ նորաստեղծների եկեղեցուց վերադառնալիս, երբ փակ կառքով դիմում էին հաւաքար դէպի Միքայէլի բնակարանը:

Առաջ նա ապրելու համար չէր էլ մտածում, իսկ այժմ գոյութեան կռիւը կեղեքում էր նրան, մաշում ու տանջում էր նրան...

Առաջ նա միայնակ էր, իւր շոր գլուխն էր ճանաչում, իսկ այժմ երեք հոգով էին, որոնց գոյութեան համար պէտք էր միայն ինքը հոգւ քաշէր, իսկ այդ գոյութիւնը, այդ ապրուստը պէտք է լինէր ճոխ, շուայլ, ոչ մի բանով պակաս, այդ էին պահանջում իւր զոքանչը և իւր կիներ, որին դեռ խելագարի պէս էր սիրում:

Սիրում էր կնոջը, բայց թէ ինչո՞ւ համար, ինքն էլ չգիտէր. նա զգում էր, որ Սօնան կըրթուի թիւթիւն շունի, նա տեսնում էր, որ իւր կիները չի կարողանում տանտիկնութիւն անել, այլ նրան ուշք ու միտքը միայն հագնելու, պարելու և ճոխ կեանք անցկացնելու վրայ է, և վերջապէս նա զգում էր, որ ինքը կըկին միայնակ է, կըկին շունի մի ընկեր, մի խորհրդատու, մի լծակից, որ իւր հետ քաշի ամուսնական ծանր լուծը...

Չնայած այդ հակասական պայմաններին, նա կըկին սիրում էր կնոջը և հլու ստրկի նման կատարում էր նրա ամեն մի քմահաճութիւնները, բայց թէ ո՞ւր կըտանէր դորան այդ ճանապարհը, Միքայէլը դրա վրայ ամենևին ուշք էլ չէր դարձնում, չէր էլ կարողանում մտածել. բայց զգում էր, որ այդ ճանապարհը լաւ տեղ չէր դուրս հանի և թէ վերջը տխուր կեանք է վարելու:

Նա իւր բաղդը յանձնել էր կեանքի հոսանքին, ուր որ կը հանէր նրան կը հանէր, նա պատասխանատու չէր ապագային:

Օ... ինչ քաղցը կը լինի կեանքը, երբ մարդու հետ միասին հաւասարապէս լուծ կը քաշի կիներ, երբ նա կը խնայէ իւր մարդու կոպէկները, կը յարմարուի մարդու դրութեան հետ և ըստ այնմ կը կառավարէ տունը: Բայց վնջ է այն գոյգին, երբ կիներ չի հասկանում մարդու դրութիւնը և միայն իւր զարդարանքների, իւր գոյութեան կռիւն է մղում մարդու հետ, ամեն օր թիւնաւորելով նրա կեանքը և միմիայն իրանը պահանջելով: Այն ժամանակ կորսու ընտանեկան խաղաղութիւնը, փչացաւ սուրբ ամուսնութիւնը...

Միքայէլին իւր ուսուցչական ոռճիկը չէր բաւականացնում. նա արդէն ծախել էր իւր այգին շնչին գումարով, որի մի մասը պարտքերի էր տուել, իսկ մի մասը միայն պինդ ձեռքերով էր բռնել. նա խնայում էր այդ փոքրիկ գումարը. կիներ յղի էր, շուտով մի անգամ էլ պիտի աւելանար իւր ընտանիքին. ուստի նա գիտէր որ մեծամեծ ծախսերի դուռը պիտի բացուէր իրան համար:

Տխուր նայում էր նա դուրս, երբ ներս մտաւ Սօնան:

— Միքայէլ, ասաց նա ցած ձայնով:
Միքայէլը սթափուեց և յետ նայեց:

—Ի՞նչ է, հոգիս, ասաց նա տեսնելով կնոջ ուրախ ժպիտը:

—Կերթաս քարվանսարա և այս կտորից քսան արշին կառնես, ասաց Սօնան և տուեց կերպասի մի նմուշ:

Միքայէլը անպիտակցօրէն առաւ կնոջ ձեռքից նմուշը և խելացնորի նման նայեց. նա զգաց որ նոր ծախքի տակ պիտի ընկնի:

—Ի՞նչի համար է և ո՞ւմ համար:

—Քեզ ի՞նչ ինչի համար է կամ ո՞ւմ համար, տղամարդու ի՞նչ գործն է կանացի գործին խառնուելու:

Միքայէլը յօնքերը կիտեց, մինչև հիմա լուռ կատարել էր իւր կնոջ պատուէրները, բայց այժմ ուղեցաւ բողոքել. նա զգաց, որ դրա գնելու իւր միջոցներից դուրս է և թէ առանց դրամ էլ չատ կտորներ է գնել:

—2է, Սօնա ջան, պէտք է ասես ինչի համար է և եթէ սաստիկ կարևոր չէ, չառնել. հրդեհ ես այնքան փող էլ չունիմ:

—Ինչէ՞ր ես ասում, այդ էր մնացել, որ երեզանից լսէի, քեզ ասում եմ որ հարկաւոր է ինչ մի մեծ գումարի է որ...:

—Ախր չէ որ բանի քանի տեսակ դերիացունք ունիս, էլ սա ի՞նչու համար է, աւելորդ չէ՞. քարվանսարանք հօ չունիմ, — կէս վրդովապատասխանեց Միքայէլը:

—Ի՞նչ ես ասում, Միքայէլ, բաս ամօթ չէ

որ մայրս առանց ձմեռուայ դերիայի ման գնորտ կամ իմ նամուշը կը վերցնի, որ նա ձմեռուայ դերիա չունենայ:

—2է՞ որ նրա համար առայ:

—Նա հին է, նրա մօղան գնաց:

—2է, Սօնա ջան, ես մօղնի մարդ չեմ:

—Դու չես, բայց ես մօղային հետևում եմ:

—Ի՞նչ անեմ թէ հետևում ես, մի այգի ունէի, այն էլ ծախեցի ու կերանք, ես էլ միջոց չունիմ, ուստի չեմ կարող այդ դերիացուն առնել:

—Բաս ես էլ ինչանցու եմ աշխարհիս երեսին, ուրեմն դու ինձ չես սիրում, ինձ ուզում ես սպանել, հիւանդացնել, ճէրք դցել հա՛. ասաց Սօնան և նրա աչքերը արտասուքներով լցուեցան, նա հանեց թաշկինակը և սրբեց արտասուքները:

Միքայէլը նայեց նրան և նրա սիրտը ճրմուեցաւ, բայց թէ տեղից չշարժուեցաւ.

—Ուրեմն չես ուզում առնել հա՛, կրկնեց Սօնան:

—2է, կարճ կտրեց Միքայէլը:

—Այդպէս հա՛, այսպէս ես սիրում ինձ, ասաց Սօնան և սկսեց հեկեկալ փոքրիկ երեխայի ման:

Կեղծ էր այդ հեկեկոցը թէ իսկական, չգիտեմ, միայն նա Միքայէլի դամարը (երակը) տեսէ էր: Այդ հեկեկոցի վրայ Միքայէլը փափ-

կեց և ինչ որ փնթփնթաց և մօտենալով կնոջը
ասաց.

— Լաւ, լաւ, մի լաց լինի, աշխարհ մի
գցի, լսողը կը կարծի թէ ես քեզ ուրիշ բանի
վրայ եմ տանջում. կերթամ, կառնեմ, վերջին
կոպէկս էլ կը ծախսեմ, արիւն քրտինքով կաշ-
խատեմ, կոպէկ կոպէկի վրայ կը դնեմ, ես սոված
քաղցած կը ման գամ և ձեզ ձեր հաճոյից հա-
մաձայն կը հագցնեմ և կը պահեմ, միայն թէ աշ-
խարհ մի ձգէք, աղմուկ մի անէք, հօ գիտէք,
որ ես իմ նամուսի գերի եմ, շուաքիցս էլ եմ
ամաչում, ասաց Միքայէլը և դառնացած սըր-
տով դուրս գնաց դերիացուն գնելու:



IX

Միքայէլը դուրս գնաց թէ չէ Սօնան վեր
թռաւ տեղից և լի կը ծքով հռհռաց:

Սյդ միջոցին ներս մտաւ տիկին Մարթան,
որ դռան ետեւից լսում էր Սօնայի և Միքայէլի
խօսակցութիւնը:

— Տեսա՞ր, մայրիկ, ինչ օյին հանեցի նրա
գլուխը, ասաց Սօնան դիմելով մօրը:

— Սչըն էլ հանեցիր. դա միշտ ասում է
փող չունեմ, փող չունեմ, բայց գտնուում է, ջանը
դուրս գայ աշխատի և առնի, բաս էլ ինչի՞
տղամարդ է, որ փող չկարողանայ աշխատել:

— Բանն էլ այդ է Է...

— 2է, Սօնա-ջան. ինձանից խրատ վերց-
րու, որ ամենևին չփափկես, դրա սանձը ձեռքի-
ցըդ չթողնես, թէ չէ եթէ թողիր, վայն եկել է
մեզ տարել:

Ինչքան կարող ես բղաւի վրան, լաց եղիր,
աչքերդ վրան ոլորիր, որ նա քեզանից վախե-
նայ, թէ ես ու դու որ չլինենք, շատ հարկաւոր
է թէ ինքը գլուխը քարով էլ կը տայ: Ի՞նչի
համար ենք ապրում այս աշխարհում, եթէ լաւ
չենք հագնի և մաշի. խեղճ կեանքը ի՞նչիս է
հարկաւոր, հերիք չէ՞ր ինչքան խեղճութիւն քա-
չեցինք... Եթէ չէր կարողանում կին պահել, էլ

ինչի համար պսակուեցաւ... չէր իմանում որ կնիկը պահել կուզէ...

— Է՛է, ասում է էլի, թող ինչքան ուզում է խօսի, ինչքան ուզում է ոտները թափէ թափ տայ, ես իմը կանեմ:

— Ի հարկէ որ արա, սնունդ ես պակաս, գեղեցկութիւնդ է պակաս թէ չէնք ու շնորհք:

— Թող մի այդ դերիացուն բերի, յետոյ ուրիշ բան էլ պէտք է ուզեմ:

— Ի հարկէ, ես դեռ ձմեռուայ շուբա չունիմ, այսպէս հօ չեմ ման գայ, ջանը դուրս գայ մի շուբա էլ առնի, տաս թումանը հօ մեծ փող չէ:

— Ես զարմանում եմ թէ այգու փողերն ինչ արաւ, հէնց ասում է չունիմ, չունիմ:

— Աղջի, դու թոյլ ես, թոյլ, կնիկարմատը պէտք է մարդու ջանը մտնի ու բոլոր փողերը առնի. ձեռքին փող մի թողնի ու յետոյ դու ինչ ուզում ես առ, էլ նորա երեսին ինչի ես նայում:

— Հա, այդպէս պէտք է անել, լաւ ես ասում:


— Ի հարկէ, որ լաւ եմ ասում, ինքը հօ մարդ չէ, տղամարդու շնորհք չունի, մունջ գառան նման որ կողմը կը քաշես, այն կողմը կերթայ:

— Դա որ տղամարդ լինի քեզ այդպէս կը պահի, կը թողնի որ տխրես, վշտանաս... չէ, ես շատ սխալուեցայ, շատ. ես կարծում էի թէ ուսում առած տղայ է, կնիկ ուզելով աւելի խել-

քի կը գայ, աւելի կաշխատի, քեզ ամեն օր թէատը ու կլուր կը տանէ, բայց ես իմ հաշուով շատ սխալուեցայ. էհ, երկի մեր ճակտին էլ այս էր գրած... անիծուի մեր բաղդը, աչքերս դուրս է գալիս, ջգրու ճիճիների եմ գալիս, երբոր տեսնում եմ Կարապետի աղջկան աւելի զուգած ու աւելի լաւ ապրելիս:

— Է՛հ, ինչ անենք մայրիկ, նրա աղջիկը շատ բաներ էլ է անում, ինչ օյիներ ասես հանում է մարդու գլխին, ես էլ հօ չեմ կարող անել:

— Ի՞նչի չես կարող, աչքն էլ է հանում, որ անում է, նա իրանը հօ պրստում է, ջհանդամը հարեանների գլուխը, ինչ ուզում են թող խօսեն. թէ խօսում են Կարապետի աղջկայ վրայ, ես գիտեմ շատ այնուամեն է գցում անց, ջգրու աւելի լաւ է հագնում ու մաշում, և շատ խելօքութիւն էլ է անում, մարդ քանի կեանք ունի պէտք է լաւ ապրի, թէ չէ շատ հարկաւոր է թէ մեռնելուց յետոյ ոչ ոք ողորմի չի տայ...



է մի բան առնում, կարծես մտիցը լինի կըտ-
րելիս:

— Ի՛հ, Աստուած մեր բաղդը անիծել է,
աղջիկս, ինչ ասեմ, գլուխս որ քարովը տամ:

X

Հնա, մայրիկ ջան, ճիշտ է՞ որ նուշկէն
մարդաթող է եղել:

— Ի հարկէ, որ ճիշտ է, այս բոպէին էլ իր
սիրեկանի մօտ է ապրում, իսկ մարդն էլ ուրիշ
սիրունի է պահում:

— Համա թէ փչացել է աշխարհը:

— Աշխարհը չէ փչացել, այլ մարդիկն են
փչացել, որ այդպէս իրանց կանանց ուշք չեն
դարձնում, քաղցած ու տկուր պահում են ու
նրանք էլ ճարը կտրած սիրեկաններ են պա-
հում. բաս ինչ անեն խեղճերը. տկուր ու քաղ-
ցած հօ չեն մնալ. Ո՛յ է ուզում, որ իւր անու-
նը կոտորի, ոչ ոք չէ ուզում, բայց այն օրերն են
ցոյց տալիս, որ նրանք նամուսն ու ամօթը մէկ
կողմը դրած այդ տեսակ բաներ են անում և ես
դրանց չեմ էլ մեղադրում. մէկը դու լինես, և թէ
քո մարդը քեզ չկարողանայ պահել, դու քաղ-
ցած ու ծարաւ կարո՞ղ ես մնալ, չէ՞ որ հագնել
կուզես, ուտել կուզես, առանց դրանց հօ մարդ
չի կարող մնալ. ջուրը ընկածի ձեռքը ինչ որ
ընկնի նրանից էլ պինդ կը բռնի:

— Ուղիղ ես ասում, ինչ ասեմ, մայրիկ, ա-
հա իմ մարդը քեզ օրինակ, ջանը դուրս գալով

XI

Մի տարի էլ անցաւ. Աստուած Միքայէլին
մի դաւակ պարգևեց, բայց ինչ մնաց կարմրաթուշ
քաջառողջ երիտասարդ Միքայէլից. կորաւ նրա
դէմքի փայլը, աչքերի գուարթութիւնը. նրա
այտերը դուրս թափուեցան, աչքերը ընկան խոր
ակնակապիճների մէջ և մեռելային դեղնութիւնը
պատեց նրա երեսին: Խորին թախիծը գրոշմել
էր իւր աւերիչ կնիքը նրա երեսին և հետզհետէ
աւերում էր այն գծերը, որոնք վաղեմի գեղեց-
կութեան էին պատկանում: Կեանք մաշող հոգ-
սերը Միքայէլին այդ օրին էին հասցրել, ընտա-

նեկան կեանքը ինչպէս ասում են նրան վրայ
 չեկաւ և նա հետզհետէ ընկնում էր մելամաղ-
 ձային դրուժեան մէջ: Հոգսերը կուտակուում էին
 մինը միւսի վրայ և նա մի գերբնական ճիւղ էր
 թափում հայթայթելու իւր ընտանիքի ապրուս-
 տը: Ուսուցչական ռոճկով չբաւականանալով,
 նա դասերով էր պարապում, արտագրութիւննե-
 րով էր զբաղում, իւր կեանքն էր մաշում, միայն
 թէ գոհացնէր իւր կնոջն ու զոքանչին, բայց
 նրանք կրկին դժգոհ էին իրենից: Ո՞ր ջուրն
 ընկնէր. մի կողմից իւր պատիւը, ամօթը չէին
 թողնում սահմանափակելու ծախքերը, իսկ միւս
 կողմից պահանջմունքն անվերջանալի ու ան-
 հատնելի էր: Ի՞նչ անէր, ո՞ւմ դիմէր, ո՞րին յայտ-
 նէր իւր վիշտը, ո՞վ կը գտնուէր իրան կարեկից,
 ո՞վ կը սփոփէր իւր դարձը, մի դարձ, որ կեղե-
 քում էր իրան: Օ՛... նա ամաշում էր մինչև ան-
 գամ ոտքը գետնին ամուր խփելու. վախենալով,
 որ մարդ կիմանայ և ինքը ծաղրի աւարկայ կը
 դառնայ, աշխարհ կիմանայ, էլ ինչպէս կարող էր
 իւր կնոջ և զոքանչի հրամանները չկատարել:
 Նա դիտէր, որ մի փոքրիկ պատճառ և ահա
 նրանք ոտնատակ կը տան իւր պատիւը, այն
 պատիւը, որ սրբութեամբ պահել կը մինչև
 օրս... Ո՛հ, եթէ կարողանար նա անձնասպա-
 նութիւն անել, այդ իւր ամեն վշտերին վերջ կը
 դնէր. . . նա կին ուզեց, որին սիրում էր և պի-
 տի սիրէր յաւիտեան, բայց այդ սէրը հետզհետէ

սառաւ, հետզհետէ ատելութիւն դարձաւ... Նա
 երազում էր ընտանեկան սուրբ և խաղաղ կեանք,
 իսկ այդ ընտանիքը հետզհետէ դժոխքի էր փո-
 խարինւում... Մի օրդի ունէր միայն և իւր սէ-
 րը, իւր ամբողջ էութիւնը նրա մէջ էր ամփո-
 փել, նրա կեանքի թելը միայն նա էր բռնել,
 նրանով էր ապրում, նրանով էր քաջքշում իւր
 տանջալից կեանքը, չլինէր դա, այն ժամանակ
 էլ չէր ուզի շնչել թիւնալից այն օդը, որով
 շրջապատուած էր իւր տունը... Համարեա ամեն
 օր վրդովում էր Միքայէլը, ամեն օր նոր նոր
 պահանջմունքներ էին յարուցանում, նոր դժգո-
 հութիւններ առաջ բերում իւր կինը և զոքանչը,
 իսկ Միքայէլը որքան աշխատում էր հեռու
 փախչել, տան մէջ խաղաղութիւն պահպանել,
 այնքան նրան այդ չէր աջողում: Միքայէլը տես-
 նում էր, որ իւր կինը ամենեկին մեղ չունի և թէ
 Սօնային զրդողը իւր մայրն է, որի հրամանները
 կատարում է Սօնան և թիւնաւորում Միքայէլի
 հանգստութիւնը: Միքայէլը համոզուած էր, որ
 եթէ չլինէր զոքանչը, եթէ չլինէր այդ շարա-
 սիրտ, անգութ կինը, այն ժամանակ իւր տան
 մէջ խաղաղութիւն կը տիրէր: Սօնան մի զէնք
 էր, գործիք էր իւր մօր ձեռքին, որ գործ էր
 ածում այնպէս, ինչպէս իւր սիրտն էր ուզում.
 իսկ Միքայէլն անգօր էր զրան դիմադրելու, նա
 կամբի հաստատութիւն չունէր վճռական մի մի-
 ջոցի դիմելու. այն ինչ երկպառակութիւնը հե-

տղհետէ սաստկանում էր նրանց մէջ և վաղ թէ ուշ մի բանով պիտի վերջանար այդ անհամութիւնը:

Ամեն մի շնչին բանի համար մայր ու աղջիկ խռովում էին Միքայէլից և շարաթներով չէին ցոյց տալիս մինչև անգամ իւր մանկանը, որի համար ապրում էր նա. բայց Միքայէլը տանում էր լուսթեամբ այդ բաները, ամեն զըրկանք, ամեն անպատուութիւն, ամեն նեղութիւն, հայհոյանք, անէծք տանում էր նա իւր յարկի տակ լոկ ամօթը աչքի առաջ ունենալով, որ այդ բանը թող դուրսը, մարդիկ չիմանան, իսկ ինքը պատրաստ էր իւր կնոջ և զորանչի ամեն անպատուութեան դիմանալ: Խեղճ մարդ, նա կարծում էր որ եթէ ինքը լռի, ամեն բան թագնուած կրմնայ և իւր տան միջի տարածայնութիւնը ոչ ոք չի իմանայ. նա շփտէր, որ այդ գաղտնիքները մայր ու աղջիկ արդէն աչխարհ էին փռել և թէ ամէնքը արդէն գիտէին այդ. բայց նա ապահով էր կարծում իրան այդ բանից, որովհետև իւր ականջին դեռ օտարից ոչինչ չէր հասել...



Sիկին Մարթան այսօր սաստիկ վատ տրամադրութեան տակ էր. նա բարկացած էր իւր փեսայի վրայ, որովհետև փեսան չէր գնել իւր ցանկացած իրը: Նրա դործը չէր, թէ փեսան փող ունէր թէ չունէր, բայց նա պահանջում էր այդ, թէև համոզուած էր, որ իւր փեսան բոլորովին դատարկուել է և թէ այլ ևս միջոցներ չունի: Վշտացած նա շրջում էր սենեակում և իւր գլխում հրէշաւոր ծրագիրներ կազմում: Նա դժգոհ էր իւր վիճակից, սաստիկ դժգոհ: Ուզում էր ապրել, ուզում էր ճոխ հագնուել, ուրախ ժամանակ անց կացնել — իսկ դրա համար միջոցներ չկար, փող չկար: Փեսան արդէն չունի, նա չի կարողանում յագեցնել իւր ցանկութիւնները: Բարկութեամբ նա կրճտացնում էր ատամները և նրա խորշոմներով լցուած դէմքի վրայ երբեմն երբեմն անցնում էին արեան ալիքներ, որոնք մերթ գունատուում, մերթ կսւրմըում էին. նրա աչքերը բարկութիւնից դուրս էին թափուում, նա միջոցներ էր որոնում դուշմանին ճաքեցնելու, իսկ այդ միջոցները չկային: Ի՞նչ անէր նա, որին դիմէր, ինչպէս ձեռք բերէր այդ մետաղը, որով յագուրդ տար իւր անյագ ցանկութիւններին:

— 0' ... անիծուի այս տեսակ բաղդը, անիծուի և անիծուի, ասում էր նա ինքն իրան, մարդ փեսայ ունենայ, պսակած աղջիկ ունենայ և պակասութեան մէջ ապրի... անի, Աստուած, եթէ այս բոպէիս ճանկս ընկնես, ես գիտեմ Քեզ ինչ կանեմ... և նա բարկացած սպառնալիքներ էր ուղղում դէպի Ամենաբարձրեալը, Որի անունը տալով պիտի սոսկար նա:

Ներս մտաւ Սօնան. մայրը իսկոյն իւր դէմքի արտայայտութիւնը փոխեց, նրա գլխում արդէն պատրաստ էր մի ծրագիր, որին հասնելու համար չէր խնայիլ ոչ մի միջոց:

— Հ'ը, գնացիր դերձակի մօտ. պատրաստ էր քո նոր զգեստդ:

— Գնացի մայրիկ:

— Յետոյ:

— Էլ ինչ յետոյ, պատրաստ է, միայն փող չկայ, որ տամ և առնեմ զգեստը:

— Փող չկայ... է՛ լաւ, մի քանի օր համբերենք, ինչ անենք:

— Ես համբերելու ոյժ չունիմ, մայրիկ. այնպէս սազ է գալիս այդ զգեստը ինձ, որ կարծես իսկը թագուհի լինեմ:

— Դու առանց այդ զգեստի էլ թագուհի ես, աղջիկս, աւելացրեց Մարթան և մի խոր հոգոց քաշեց:

Մյդ միջոցին լսուեցաւ կառքի ձայն, որ կանգ առաւ իրանց տան առաջ. մայր ու աղջիկ

հետաքրքրութիւնից դուրս նայեցին: Ֆայտօնից իջաւ մի կարճահասակ նիհար և տգեղ դէմքով, մօտ 35 տարեկան մի մարդ, որ խորհրդաւոր կերպով նայեց դէպի Սօնան և ապա վճարելով կառապանին, շտապով մտաւ իւր տուն, որ գրտնվում էր Միքայէլի տան դիմաց:

— Հ'ը, ինչ շատ է նայում քեզ, դուր հօ չէն եկել, ասաց Մարթան դիմելով աղջկան:

— Ի՛հ, հողեմ դրա մասխարա գլուխը, աւելացրեց Սօնան:

— Ինչի՞ ես հողում, աղջի, ինչն է պակաս, լաւ սովզագար մարդ ու լաւ կարողութեան տէր է:

— Հա, դրա մասին խօսք չունեմ, բայց ինքը ինչին է նման, կարծես իսկը սապատաւոր կապիկ լինի:

— Ես գիտեմ չէիր ուզի որ քո մարդը դրա կարողութիւնն ունենար ու թէկուզ սատանի դէմք էլ ունենար այ:

— 2է, մայրիկ, ես դրա կարողութիւնը կուզէի, բայց դէմքը ոչ, ասաց ծիծաղելով Սօնան:

— Սարսաղ, ես ընդհակառակը ուշք չէի դարձնի Փանոս աղայի դէմքին և կարողութիւնը կը գաւթէի:

XIII

Վայ է, երբ հաստարմատ բոյսը՝ հողումը չէ աճել, երբ նա չունի ամրակազմ բուն, որ կարողանայ ամեն արգելքների դիմանալ: Ի՞նչ պիտի անի գառան անմեղուծիւնը, աղաւնու միամտուծիւնը ժանտ օձի խորամանկութեան դէմ, ինչպէս կը դիմանայ ճկուն ճիւղը, քնքուշ ծաղիկը կամ թեթեւ նորաբոյս թուփը մրրկի ուժեղ հոսանքին, երբ նա փչում է շառաչելով, երբ նա շնչում է իւր թիւնաւոր շնչով, երբեմն երգելով, երբեմն գուրգուրելով, շոյելով, քնքուշ տերեւիկներին մեղմ տատանելով, երբեմն սուլելով: Իսկ երբեմն կատաղելով և ահարկու շռնչալով:

Վայ է, երբ նա շոյում է, գուրգուրում է և իւր թիւնաւոր լեզուով լիզում է նրանց, այն ժամանակ կորան նրանք, վերջնական մի ուժգին հողմ էլ և ամեն ինչ պրծաւ. վախ չկայ, երբ բուռն փոթորիկը յանկարծ է փչում, հեռուից արդէն իւր գալը գուժելով, այն ժամանակ թոյլ եղեգն էլ կը պաշտպանուի ուժեղի տակ և քամու հոսանքը կանցնի անհետք, չի երևայ որտեղից նա եկաւ և թէ ո՞ր գնաց նա:

Կեանքն էլ է այդպէս. երբ մարդուս բնաւորութիւնն է յողորմող, երբ չկայ կամք, չկայ

հաստատուն բնաւորութիւն, երբ չկայ իսկական սէր, այն ժամանակ անբարոյականութեան թոյնը հեշտ ծաւալ է գտնում նրա սրտի մէջ, կորչում է կեանքը, փչանում երջանկութիւնը...

Ի՞նչ ոյժ ունի նորաբոյս ծաղիկը կամ նոր բացուած կոկոնը և կամ ի՞նչ տեղեկութիւն ունի աշխարհիս լաւ և վատ կողմերի վրայ նորապսակ աղջիկը, հաստատուն ի՞նչ կամք, որոշ ի՞նչ կարծիքներ կարելի է նրանից պահանջել:

Սօնան մի անփորձ աղջիկ էր, որ կուրօրէն հաւատում էր մօրը, իսկ մայրը—փորձուած սատանայ: Մարթան ձարձրացել էր արդէն փեսից և թոյններ էր թափում նրա կեանքի մէջ, էլ չէր ուզում նա այդ կեանքը և Մարթան միանգամից էր ուզում ազատուել իւր փեսից: Յարմար առիթ էր փնտռում դրանից ազատուելու և այդ առիթը չուշացաւ գալու:

Փանոս աղան, որ ինքը մի գոկ սնանկացած վաճառական էր, ահագին կարողութիւն ունէր: Սօնայի գեղեցիկ դէմքը բոյին ու բուսաթը սատիկ դուր էր եկել ամուրի Փանոս աղային, որ ամէն միջոց գործ էր դնում նրա հետ ծանօթանալու և իւր խանդոտ սէրը արտայայտելու:

Եւ ահա՛ Փանոս աղան լսելով Միքայէլի գործերի անյաջողութիւնը, գոքանչի և փեսայի տարաձայնութիւնները և այդ հանգամանքից օգտուելով, սիրտ արաւ և մի օղային համրոյր ու-

դարկեց Սօնային, որ կարմրատակելով ներս ընկաւ տուն և յայտնեց այդ բանը մօրը:

Մարթան աչքերը չռեց, նրա սիրտը արագ սկսեց տրոփտրոփել:

— Յետոյ, դու ինչ արիր:

— Ես փախայ, մայրիկ:

— Մարտոյ, ինչու փախար, դու էլ մի օդային համբոյր կուղարկէիր, ինչդ կը պակասէր որ...

— Յետոյ ամօթ չէր:

— Իհ, բան չունիս, հարուստ մարդ է, դրանով սիրտը կը շահէիր և նա քեզ համար ընծաներ կուղարկէր:

— Առանց այդ ի հարկէ որ չի լինի, ասաց Սօնան փոքր ինչ մտածելուց յետոյ, և երբ երկրորդ անգամ Փանոս աղան օդային համբոյր ուղարկեց, այն ժամանակ Սօնան ժպիտը երեսին փոխադարձապէս դարձրեց նրան այդ համբոյրը: Հետեանքն այն եղաւ, որ նրանք ծանօթացան իրար հետ և որպէս զի աւելի ամուր լինի նրանց ծանօթութիւնը և օտարների աչքին ոչինչ չերևայ, Փանոս աղային երեխայի կնքահայր դարձրին, որից յետոյ, ընծաների դուռը բացուեցաւ: Անբարոյականութեան թոյնը արդէն թափուած էր: Մարթան գտել էր միջոց ապրելու...



Ուն է գոխը. միթէ սրանից աւելի հարկու և սոսկալի տանջանք կայ, որով ես տանջուում եմ, թէ սորանից աւելի վատթարը կայ. Ինչ է գեհնի կրակը իմ սրտիս կրակի հետ համեմատած, ոչինչ, իմ սիրտս այրուում է, լափուում է զարհուրելի, այլանդակ կենդանիներից, նա քրքրուում է, նորից գործուում, ասեղներով կարուում, կտոր-կտոր լինուում, հուացրած ջրով դաղուում և գոլորշիանուում, սրտիս այդ գոլորշին ուզուում է դուրս ժայթքել կրծքիցս, թոքերս փքուում են, կարծես ուռչուում, ես կորցնուում եմ խելքս, արդէն մօտ եմ ցնորուելու... Ոհ, Աստուած իմ, Աստուած, այս ինչ օրի հասայ, իմ հարագատ կինը, իմ աչքի լոյս Սօնան, որի համար կեանքս չխնայեցի, թողնուում է ինձ, բաժանուում է ինձանից, օգտուելով իմ անյաջող հանգամանքներից և գնուում է գրկելու Փանոս աղային, այդ անառակ մարդուն, այդ ստոր, սրիկայ և խարբբայ մարդուն... Ոհ ինչ անբարոյականութիւն, ինչ սոսկալի և քստմնելի յանցանք, բայց միթէ ես այդ կը տանեմ, միթէ... Ոչ, սուտ է, սուտ են այդ բաները, ինձ չփութեցրին ընկերներս, ինձ վրայ ուզեցին ծաղրել, վրաս ծիծաղել, ոհ, զազրելի. ստախօս մար-

դիկ, դուք պատասխան կը տաք ինձ, եթէ սուտ դուրս եկաւ ձեր ստոր բամբասանքը... ո՛չ, այդպիսի բան չկայ, իմ կիներ թէ և դժգոհ է ինձնից, բայց ընդունակ չէ այդ բանն անելու... դուք սուտ էք ասում, դուք զրպարտում էք, նա անմեղ է, այդպէս ասում էր Միքայէլը և շփոթուած սպասում իւր կնոջը: Ընկերները նրան լուր էին բերել, որ իւր կիներ մտերմացել է Փանոս աղայի հետ և թէ Փանոս աղան ամեն կերպ աշխատում է Սօնային իրենից խլելու, որին աջակցում է նաև տիկին Մարթան: Բայց կիներ տանը չէր, այն ինչ Միքայէլը անհամբեր սպասում էր կնոջ վերադարձին. նա ուզում էր դէմ առ դէմ խօսել, ամեն բան իմանալ. նա ուզում էր կամ փարատել իւր կասկածանքը և կամ տեղնուտեղը հանգչիլ, փշանալ, ջնջուել աշխարհիս երեսից:

Ժամանակը թռչում էր արագ, իսկ Սօնան չկար, բայց թէ ո՛ր էր նա, այդ յայտնի չէր Միքայէլին—Իսկ Միքայէլը սպասում է, սպասում է ու խոր հառաչում. վայրկեանները, ըրպէսները շատ դանդաղ, շատ կամաց են առաջ տանում և ամեն մի ըրպէն, ամեն մի վայրկեանը Միքայէլի հոգու վրայ թողնում է իւր հետքը, այդ հետքը սոսկալի է, նա չի երևում բայց սարսափելի կերպիւ տանջում է նրան. արդէն նրա մագերը քրտամնած են, աչքերը կատաղի և դուրս թափուած, երեսը այլանդակ... նա

սպասում է, ատամները կրճտացնում և ամբողջ մարմնով դողում. նրա գլխի մէջ կայծակի արագութեամբ թռչում են զանազան մտքեր, մէկը միւսից անմխիթար, մէկը միւսից սարսափեցնող...

— Բայց ո՛ր է նա, արդէն դիչեր է և նա չէ երևում. առաջ նա այդպէս չէր անում, գիչերները միշտ տանն էր, իսկ հիմա չկայ...

Չլինի թէ յիրաւի, այս ըրպէիս, երբ ես սոսկալի կերպիւ տանջւում եմ, նա համբուրում է Փանոս աղայի հետ, նա զուարճանում է նրա հետ:

Օ... ո՛չ, ո՛չ և ո՛չ, ես չեմ հաւատում, այդ անկարելի է... Իսկ եթէ ճիշտ լինի. իսկ եթէ խաբած չլինին ինձ ընկերներս... և ինչո՞ւ պէտք է խաբէին նրանք ինձ, ճ... այն ժամանակ լռիւր դու, իմ սիրտ, այն ժամանակ ամեն ինչ վերջ կը դնուի և իմ կեանքն էլ գոյութիւն չի ունենայ այս փշալից աշխարհում... բայց չկայ նա, ուշանում է, ո՛ր գնամ ես, ո՛րտեղ փնտռեմ, ո՛ր անկիւնում կը գտնեմ նրանց, ո՛ր է Փանոս աղան, որ գողանում է իմ ընտանեկան սրբութիւնը և խանգարում խաղաղութիւնը, ո՛ր է նա... Ո՛վ տուեց նրան այդ իրաւունքը, ո՞վ զրդեց... սհ, Աստուած իմ, Աստուած, բայց միթէ զրանք զգում են թէ ինչպէս վիրաւորում են ինձպէսներին, թէ ինչպէս մենք տանջւում ենք... Չէ, զրանք զգացմունք չունին, ամեն բան, ամեն

ստոր քայլ անում են լոկ իրանց զազանային ցանկութիւնները կատարելու...


Սպասեց Միքայէլը, սպասեց, կատաղած շրջեց իւր սենեակում և ապա յոգնած ընկաւ մահճակալի վրայ:

Գիշերուայ ժամի մէկն էր և դեռ կինը չկար, իսկ յոգնածութիւնը, վիշտը, հոգեկան տանջանքը թմրեցրին Միքայէլին ու նա հետզհետէ մոռանալով աշխարհային վշտերն ու հոգսերը ընկաւ Մորփէոսի գիրկը, բայց այդ երկար շտեկեց, Ցանջուած, դառնացած հոգին հանգստութիւն էր ուզում ու նա զգաց իրեն կանաչ մարգագետնի վրայ, ուր անխռով շրջում էր նա միայնակ, այնպէս սիրուն, այնպէս անուշ բուրմունք կար այնտեղ, որ կարծես եղեմի անմահ ծաղկանց բուրմունք լինէր: Նա լի կրծքով շնչում էր այդ անուշահոտութիւնը, նրա գլուխը պտտւում էր այդ բուրմունքից, բայց կրկին աչքածակի նման ուզում էր միանգամից շնչել, միանգամից արբենալ: Ո՛հ, նա ծարաւի էր խաղաղ կեանքի, հանգիստ ապրելու, նա ձանձրացել էր հոգսերից ու վշտերից, իսկ այդտեղ, այդ եղեմի նման մարգագետնում ոչ մի բան չէր վրդովեցնում իրան, ոչ մի հոգս չէր խանգարում իւր սրտի խաղաղութիւնը:

Գոհունակութեամբ լի աչքերը վեր ուղղեց դէպի երկնային Պետը և այնտեղ՝ անհուն եթերի մէջ տեսաւ բիւրաւոր փիւրուղի նման փայլող

աստղեր: Ինչքան սիրուն, ինչքան անոյշ էր նրանց փայլը... ու նրա հոգին սկսեց սաւառնել հիօներային այդ կապտութեան մէջ, ուր նրա մտքին անիմանալի մարմինները այնպէս սիրուն զարգարել էին երկնակամարը: Ո՛հ, ինչ շնչին ենք մենք, ինչքան ստոր արարածներ ենք մենք, Տէր, որ Քո սիրուն աշխարհը դժոխքի ենք փոխարինում, մտածում էր նա ու շլացած աչքերով դիտում վերին աշխարհը: Յանկարծ իւր մօտից մի ինչ որ խշխշոց լսուեցաւ, Միքայէլը դողաց ամբողջ մարմնով և նա յետ նայեց, նա տեսաւ որ ինքը կանգնած է մի վհի առաջ, որի միջից բարձրանում էր մի օձ և ուղղակի դէպի ինքն էր դալիս. նա արդէն հանել էր իւր երկճիւղ լեզուն և արդէն մօտ էր խածելու. սաւուր քրտինքը պատեց Միքայէլին, նա վերջին ճիգը թափեց և աղաղակեց...

Միքայէլը իւր աղաղակից զարթնեց. նա զգաց, որ երազի մէջ էր և այն էլ սոսկալի: Փոթորիկը մօտենում էր: Նա վեր կացաւ, մօտեցաւ կնոջ սենեակին, Գինը և գոքանչը, ինչպէս երևում է, նոր էին վերադարձել և պատրաստւում էին քնելու. նա թողեց նրանց հանգիստ և մինչև առաւօտ յետաձգեց իւր մտադրութեան իրադրութիւնը:





XV

ՍՈՒՆՈՒՄ ԵՐ ԱՅՈՒՆ ԳՅԱՅԻՆ ՈՒ ՍԻՐՈՒՆ
 ԱՈՒՆՈՒՄ ԵՐ ԱՅՈՒՆ: Ճանդղակները ուրախ կրկնում էին,
 իրենց երգը ծլվլում, մի ծառից միւսը թռչում,
 մի տանիքից միւսը անցնում, ապա ցած՝ դէպի
 գետին, ցորենի կամ գարու հատիկը կլանում,
 կրկին թռչում վեր և նոր որս փնտռում: Ուրախ
 էր աշխարհը, սքանչելի էր նա, արևը կեանք ու
 շարժողութիւն էր ուղարկում աշխարհին, նա
 ժպտում էր, այն ինչ Միքայէլի հոգու մէջ տի-
 րում էր սարսափելի խառնափնթորութիւն: Նրա
 համար չէր ճանդղակների ուրախ ճառագումը, նա
 տխուր էր և շիթթուած, ամբողջ մարմնով դո-
 ղում էր և դեռ երկար ժամանակ սիրտ չէր ա-
 նում իւր կնոջ սենեակը մտնել: Ըրպէս ենք անց-
 նում էին արագ, իսկ նա մերթ մտանում էր
 նրա սենեակին, մերթ յետ դառնում: Մի շա-
 բաթ էր ինչ որ խռով էր նրա կինը, մի շաբաթ
 էր ինչ նա չէր տեսել թէ իւր կնոջը և թէ որ-
 դուն, որին հոգու շափ էր սիրում, և որի տես-
 նելը արգելել էր Սօնան: Ծանր էր Միքայէլի
 համար այդ զրկանքը, բայց նա լուռ տանում
 էր, ամեն բան ծածկելով իւր սրտի մէջ, որտեղ
 ոչ ոք չէր կարող տեսնել և որտեղից ոչ ոք չէր
 կարող գողանալ:

Երկար տատանումից յետոյ, վերջապէս նա
 ներս մտաւ կնոջ սենեակը: Զորանչը և կինը
 թէյ էին խմում, իսկ որդին ննջում էր օրօրոցի
 մէջ: Մայր և աղջիկ սեեռեցին աչքերը Միքայէլի
 վրայ և զարմացմամբ նայում էին նրան թէ ինչ
 պիտի ասի: Նրանց մէջ անցաւ այս միտքը թէ
 Միքայէլը եկել է իրանց ստրկին ընկնելու, ա-
 զաչելու, պազատելու, որ դադարեցնեն խռով
 լինելը, նրանք գիտէին նրա թոյլ բնաւորու-
 թիւնը և բարի սիրտը և սպասում էին նրա ա-
 զաչանքը լսելու: Բայց Միքայէլը շնայից անգամ
 ոչ կնոջը և ոչ զորանչին, այլ մօտեցաւ օրօրո-
 ցին, բարձրացրեց երեխայի երեսի ծածկոցը և
 նայեց մանկանը: Ո՛հ, ինչքան անուշ, ինչքան
 անմեղ քնած էր նա: Կարօտալից հօր սրտում
 անցաւ մի խորին զգացմունք...

Մայր ու աղջիկ ուզում էին վրայ վազել,
 արգելել Միքայէլին մանկանը նայելը, բայց
 զսպեցին իրանց, նրանք նոր բան էին սպասում
 Միքայէլից:

Միքայէլը նայեց մանկանը, նայեց և հայ-
 րական սրտից դուրս բղխեցին մի գոյգ արտա-
 սուք, որ շտապով թազցրեց, ապա ծածկեց ե-
 րեխայի երեսի ծածկոցը և դարձաւ դէպի կինը:

— Զը՛, ինչ ես ուզում, ո՛ւր ներս եկար, ա-
 սաց կինը կոպտաբար:

Սյդ ժամանակ Միքայէլի դէմքի գոյնը փո-
 խուեցաւ, աչքերը դուրս թափուեցան, շրթունք-

ներն սկսան դողալ, բայց և նա զսպեց իրան:

—Ո՛ր եկայ, ի՞նչ եմ ուզում, այս բոպէիս, ասաց Միքայէլը և ուղղակի մօտեցաւ կնոջը, յառելով իւր բարկութեամբ լի աչքերը երբեմն կնոջ, երբեմն Մարթայի վրայ:

Մայր և աղջիկ վախեցան նրանից և երկուսըն էլ վեր թռան տեղներիցը:

—Հ՛ր, մեզ սպանելու հօ չե՛ս եկել, ի՞նչ ես այդպէս վրայ վազում, ասաց մայրը:

—2է, ես ընդունակ չեմ սպանելու եթէ ընդունակ լինէի, վաղուց կը սպանէի. ես հկել եմ մի քանի բան միայն հարցնելու, մի քանի տեղեկութիւն ստանալու, մի վախենաք:

—Մենք ինչ հախ ու հէսար ունենք իրար հետ, որ բան հարցնէք:

—Ինչպէս չէ, մենք հախ ու հէսար շատ ունենք, որ անուշադիր եմ թողել մինչև օրս, բայց որ էլ չեմ կարող թողնել. համբերութեան բաժակը արդէն լցուած է, էլ համբերել չի կարելի: Մինչև հիմա ես լռեցի ձեր արարմունքից, բայց էլ չեմ լռի, մինչև հիմա կեանքս մաշեցի ձեզ համար, բայց էլ չեմ տանջի, հերիք էր ինչ օրեր որ ինձ քաշել տուիք, էլ այն օրերը չէք քաշեցնիլ տալ, արդէն բաւական է:

—Ի՞նչ օրեր, ի՞նչեր ես ասում. ոտքով գլխով դու ես մեղաւորը և էլի դու ես խօսում:

—Այդ մի կողմը թողնենք. ես իբրև աղջկանդ մարդը, նրա տէրը, հարցնում եմ քեզ, ո՛ր

բովտեւ դու ես նրան ղեկավարողը, ո՛ր էիք երէկ մինչև կէս գիշեր և կամ ո՛ր էք շուտ շուտ տնից հեռանում և ի՞նչ է նշանակում ձեր բացակայութիւնը:

—Հա՛, հա՛, հա՛, դիւական մի քրքիջ արձակեց տիկին Մարթան,—այ քեզ օյի՛ն, դու ո՞վ ես որ հարցնում ես, կամ ես որ քեզ աղջիկ եմ տուել, հօ չեմ ասել, թէ նրան բանտարկիր և հացի ու ջրի ուժուտով թող. խելքի արի, փեսայ, ի՞նչեր ես ասում, մի ժամանակին էլ մտիկ տուր է... այդ կնիկ է որ դու պահում ես, և հիմայ էլ ուզում ես ոտքերը շղթայ ձգել, որ տանից չդուրս գայ...

—Ես քեզ հարցնում եմ և պահանջում եմ յայտնել ինձ թէ ո՛ր էիք երէկ երեկոյ. եթէ չես յայտնի, ես միջոց կը գտնեմ ձեզ այդ ասեցնել տալու:

—Ի՞նչ ես դուրս տալիս, միջոցներ ունես գործ դիր, տեսնենք ի՞նչ ես անում:

—Ի՞նչպէս թէ ինչ եմ անում, ես այս ըսպէիս քեզ դուրս կը վռնդեմ տանիցս. ես երկու կին չեմ ուզել, այլ մէկ. դու այստեղ ամենևին գործ չունիս, որ իմ ընտանեկան գործերիս մէջ խառնուես և վրդովես իմ խաղաղութիւնը. չի՛նէիր դու, այս երկպառակութիւնը չէր լինի. դու ես, որ մոլորեցնում ես աղջկանդ և ծուռ ճանապարհի վրայ կանգնացնում:

—Ի՞նչ ծուռ ճանապարհի վրայ, կը հաս-

տատնս այդ, դու գիտնս, որ դրահամար բանտ կը նստես:

— Դուրս իմ տանից, անամօթ կին, գողաց Միքայէլը և բարկութեամբ ձեռքը սեղանին խփեց:

Սօնան, որ մինչև այդ ժամանակ լուռ էր, այժմ իւր աչքերը սևեռեց Միքայէլի վրայ և բարկացած գողաց:

— Զամարձակես մօրս դուրս անել, դու ո՞վ ես որ մօրս սիրտը կտտրում ես, սօ քաղցած ու տկլոր անպիտան:

— Ի՞նչպէս, և դ՞ու. շատ լաւ, այսօր վերջին օրը կըլինի և մօրդ ոտքերը այլ ևս իմ տան շէնքը չեն կոխի, իսկ եթէ դու լուռ կըմնաս և խոնարհ, մնա՛, սպա եթէ ոչ անա՛ ճանապարհը, ասաց Միքայէլը և ուզում էր դուրս դնալ, երբ երեխան ակեց լալ. Միքայէլը անգիտակցօրէն կռացաւ դէպի մանուկը, այդ ժամանակ Սօնան յարձակուեցաւ ամուսնու վրայ, բռնեց նրան մի կողմը և խլեց մանկանը:

— Դու գնա կորի՛ր, այս մանկան հետ դորժ չունիս:

— Հը՛մ, գործ չունիմ, կըտեսնենք, ասաց նա ու դուրս եկաւ սենեակից:



Մինչդեռ Միքայէլը ծրագիրներ էր կազմում գործնչից ազատուելու և սենեակ էր որոնում իրան համար, Մարթան ուրիշ կարգադրութիւններ էր անում: Միքայէլի դուրս գնալուց յետոյ Մարթան կրկին իւր ընդհատուած թէյը շարունակեց և դառնալով աղջկան ասաց.

— Ի՛հ, հողեմ դրա գլուխը, մենք էլ դրան մարդատեղ ենք գցում, դա էլ քրքրում է, այդպէս է ու այդպէս, թող կրկին պատճառը դա՛ դառնայ, երբ որ ուզում է բաժանուել, մենք էլ կըբաժանուենք և դրա սև երեսը չենք տեսնի, այսօր և եթ կը տեղափոխուենք Փանոս աղայի մօտ:

Սօնան տատանւում էր, նա դեռ ոչինչ չէր խօսում:

— Հ՛ր, ի՛նչ ես սուս կացել, մի՛թէ մարդուցրդ վախենում ես, արխային կաց, նա քեզ ոչինչ չի կարող անել, թէ ուզում է, թող գնայ դանդատ անէ, էլի ոչինչ չի կարող տանել, թող հասկանայ որ կնիկ որ ուզում են, պահել էլ է հարկաւոր և ոչ թէ տկլոր ու քաղցած վայր ձգել:

— Զէ, մայրիկ ջան, ես էլ գիտեմ որ դա ոչինչ չի կարող անել, շնորհք չունի, բայց...

— Բայց ինչ, Փանոս-աղան հօ ամեն օր աղաչանք պաղատանք է անում և խօսք էլ է տալիս որ քեզ վրայ կը պսակուի, էլ ինչ ես ուզում:

— Իսկ հասարակութիւնն ինչ կասի:

— Ի՞նչ պէտք է ասի, թող ինչ ուզում է ասի. դու քո բանը առաջ ձգիր, էգուց էլօր ով գիտէ ինչ է պատահում:

— Բայց չէ որ նա մեր երեխայի կնքահայրն է:

— Ի՞նչ անենք որ...

— Յետոյ, եթէ նա ուզենայ պսակուել, կը հասնի որ...

— Յիմար, դու էլ բան ասացիր. Միթէ չըզիտես որ փողը, հարստութիւնը ամեն բան կը հասցնի:

— Լաւ, ես համաձայն եմ, ասաց Սօնան:

— Ես հէնց այս ըոպէիս կըտեսնեմ Փանոս-աղային և մինչև երեկոյ կը տեղափոխուենք նրա մօտ, թող ինչ ուզում է անի Միքայէլը, թէկուզ գլուխը քարով էլ տայ... և Մարթան հագնուելով դուրս գնաց Փանոս աղային տեսնելու:

Երեք ժամ չանցած տիկին Մարթան ու Սօնան տեղափոխուեցան Փանոս աղայի բնակարանը, իրանց հետ տանելով Միքայէլի որդուն և տնային բոլոր թանկագին իրերը: Միքայէլը տանը չէր, նա դեռ տեղեկութիւն չունէր այդ բաներից:

✓ *Մ. Բրուսի*

✓ Միքայէլը տուն եկաւ և այդ բաժն էլ առաւ. նրա սիրտը ճմլուեց, բարկութիւնից ատամները կըճտացրեց, գլուխը պտոյտ եկաւ և աչքերը մթնեցին: Բայց ինչ կարող էր անել, ձեռքիցը ոչինչ չէր դուրս գալ. այն զէնքերով, ինչով որ կուռւմ էին իւր կինը և գործանչը— նա չէր կարող կռուել, նա ընդունակ չէր այդպիսի զէնք գործածելու: Երկու ճանապարհ միայն կար իրարից ազատուելու, վերջ տալու այդ խայտառակութեանը, և այդ ճանապարհը կամ նրանց կամ իրան սպանելն էր, բայց այդ միջոցին չէր ուզում գիմել, որովհետև զգում էր որ անընդունակ է և զորան: Ի՞նչ անէր նա, գոնէ իւր մանկանը, իւր շառաւիղը տարած չլինէին, նրա ամենեին հոգսը չէր որ կինն էլ էր փախել, նա արդէն վաղուց ձեռքերը լուացել էր նրանից, բայց իւր սեպհական երեխան էլ չկար, որի մէջ գտնէր իւր սփոփանքը, որին նայելիս փարատէր իւր վշտերը:

Խորհուրդ տուին որ դատով պահանջի որդուն և նա դատ բացաւ կնոջ դէմ և զաւակը պահանջեց: Բայց իւր հակառակորդ՝ Փանոս աղան ուժեղ էր, նա փող ունէր և այդ փողով կուռւմ էր Միքայէլի բարոյականութեան դէմ,

այն ինչ միւս կողմից կինը, և գորանչը առիթ
չէին վախցնում նրան վիրաւորելու:

Սօնան արդէն պճնուել էր և թանկագին
զգեստներ հագած օրը մի անգամ կառքով Փա-
նոս աղայի հետ միասին գրօսանքի էր գնում 'ի
տես Միքայէլի: Տիկին Մարթան և Սօնան ար-
դէն կորցրել էին իրանց երեսի ամօթը. նրանք
էլ չէին քաշուում հասարակութեան կշտամբան-
քից, գոյութեան յաղթանակը տարել էին, ան-
բարոյականութեան կռիւր գերագասել էր բարո-
յականութեանը, ոչնչացնելով Միքայէլի թէ պա-
տուասիրութիւնը և թէ նոյն ինքն իրան:

Համարեա շուտ-շուտ պատահում էր իւր
կնոջը և Փանոս աղային կողք կողքի նստած
կառքի մէջ և մի արհամարական ժպիտ արձա-
կելիս նրա սիրտը կտոր-կտոր էր լինում: Գլու-
խը իջեցնում էր ցած, աչքերը խոնարհում գե-
տին, ո՛հ, նա կորած ու ոչնչացրած էր համա-
րում իրան, էլ ինչո՞ւ համար էր ապրում աշ-
խարհիս երեսին: Անագորոյն բաղդը շատ խիստ
կերպիւ հալածեց իրան, էլ չդիմացաւ նա այդ
հարուածներին: Նա արդէն հալում էր: Սոսկալի
թոքախտը արդէն ձգել էր իւր սերմերը նրա
թոքերի մէջ որ կամաց-կամաց ընդլայնում և
մեծանում էր այնտեղ, օր աւուր կարճելով Մի-
քայէլի ջահէլ կեանքը: Նրա կեանքը մի թելի
վրայ էր կախուած, նա մի իղձ ունէր, մի ցան-
կութիւն, և այդ ցանկութիւնը իւր մանկանը

զգուելն էր, մեծացնելը և ապա թէ մեռնէր է
հոգ չէր:

Դատարանը վճռեց մանկանը յանձնել հօրը
և նա սրտատրոփ սպասում էր ցանկալի այդ
օրին...



Փանոս աղայի ճօխ և ընտիր կերպով կա-
հաւորուած սենեակներից մէկում, բազմոցի վրայ,
թեկն տուած նստած է տիկին Մարթան. նրա
առաջ քնած է մանուկը: Տիկին Մարթան սաս-
տիկ վրդովում է, նա յօնքերը իջեցրած ունի
և մտածում է: Աղջիկը տանը չէ, նա միայնակ է
տան մէջ և անհամբեր սպասում է աղջկան:

Կիւրակէ օր էր այդ օրը և Սօնան Փանոս
աղայի հետ գնացել էր, այն ինչ կօֆէի ժամա-
նակը անցնում էր:

— Ի՛հ, ինչ եղան նրանք, ինչի՞ ուշացան,
մրթմրթաց Մարթան քթի տակ և անհամբերու-
թեամբ դուրս նայեց. այդ ժամանակ զոգուա-
լով կառքը կանգ առաւ զրան մօտ և քիչ յետոյ
լսուեցաւ զանգի զիլ ձայնը և ծառան վագեց
զուրը բանալու:

Անուշահոտ ջրերով օծուած, թանկագին զգեստներ հագած տուն ընկաւ մօր սննեակը Սօնան և արագութեամբ ետ անելով ձեռնոցները ժպիտը երեսին հարցրեց մօրը.

— Զ՛ը, մայրիկ, շատ ուշացանք այ՛, բայց այնքան բազմութիւն կար Մուշտայիզում, որ ամենեկին չէի ուզում գալ:

— Ի՞նչ վնաս, կը մնայիք, ինձ հօ գայլերը չէին տանի:

— Զատ սխալուեցար, մայրիկ, որ չեկար:

— Վնաս չկայ, աղջիկս, միւս անգամ ես էլ կը գամ, դու ջահէլ ես, դու օր տես, թէ չէ այն անխիծառ ձեռքին տանջուեցիր: Զա՛ ի՛նչ եղաւ Փանոս աղան:

— Նա ինձ տուն բերեց և ինքը գործի գնաց, կէս ժամից յետոյ ինքն էլ այստեղ կը լինի:

— Դէ՛հ, հրամայիր կօֆէն բերեն մինչև նա էլ կը գայ:

— Իսկոյն, մայրիկ, ասաց Սօնան և դուրս գնաց ծառային հրամայելու և շորերը փոխելու: Հինգ րոպէ չանցած նա արդէն նստած էր մօր մօտ և վայելում էր սուրճը:

— Է՛, այդպէս հա՛, վաղը պէտք է երեխայիցդ ձեռք վերցնես և ուղարկես հօրը:

— Զէ, մայրիկ, ես չեմ կարող, այդ ինձ համար ծանր է, նա չի կարող երեխային պահել:

— Յետոյ, ինչպէս կարող ես չյանձնել, նա պրիստաւով կը խլի քեզանից:

— Ա՛խ, անխիծառի դա, ի՛նչ է ուզում մեզանից. մի չմեռաւ էլ, որ դրանից պրծնէինք:

— Ուր է թէ շուտով մեռնէր:

— Զէ, մայրիկ, ես դրան իմ երեխին կենդանի չեմ տալ:

— Բա ի՛նչ կանես:

— Աւելի լաւ կը համարեմ դիակը յանձնել, քան կենդանի տալ որ չարչարի:

— Զատ էլ լաւ կանես, ճիճիսի վը գայ և դարդիցը հօգին կը փչի և քօ ճանապարհն էլ բաց կը լինի:

— Բաս ի՛նչպէս անենք:

— Ինչպէս պիտի անենք, այդ ես գիտեմ:

— Յետոյ որ իմանան:

— Տուտուց, քիչ փող ունի Փանոս աղան, որ վախնում ես, փողին գօր կանի և ամեն բան կը թաղնուի, հօ գիտես, որ Փանոս աղան էլ աչքով աչք չունի սրղուղ հետ:

Վճռեցին և արին: Հետեեալ օրը լուր ուղարկեցին Միրայէլին, թէ որդիդ յանկարծակի վախճանուել է, եթէ ցանկանում է թող գայ դիակը տանի: Միրայէլը նախ չհաւատաց և ապա երբ տեսաւ մանկական դագաղը, այն ժամանակ երկու ձեռքով գլխին խփեց և երկու օր շարունակ փակուած մնաց սենեակում:

Ոճիւրը ոչ որ չիմացաւ, բժիշկը հարկ եղած վկայութիւն էր տուել:

— Զատ էլ լաւ կանես, ճիճիսի վը գայ և դարդիցը հօգին կը փչի և քօ ճանապարհն էլ բաց կը լինի:

— Բաս ի՛նչպէս անենք:

— Ինչպէս պիտի անենք, այդ ես գիտեմ:

— Յետոյ որ իմանան:

— Տուտուց, քիչ փող ունի Փանոս աղան, որ վախնում ես, փողին գօր կանի և ամեն բան կը թաղնուի, հօ գիտես, որ Փանոս աղան էլ աչքով աչք չունի սրղուղ հետ:

Սրբ, ինչու դու ծագում ես, ճնճդուկ,
 ինչու դու ճուղողում ես, բլբուլ, ինչու դու հր-
 գում ես ուրախ տաղեր, կեանք, ինչու բարա-
 խում ես սրտիս մէջ. ո՛հ, էլ մի երգիր դու, սո-
 խակ, արև, խաւարի, կեանք, զագարի գոյու-
 թիւն ունենալուց... աւաղ, հանգիստ կեանքի էի
 կարօտ, ես ապրել էի ուզում անխռով կեան-
 քով, բայց ի՛նչ մնաց ինձ, ի՛նչ օրի հասայ ես.
 կեանքիս թելը կտրւում է, ես մօտենում եմ
 գերեզմանին, ես մեռնում եմ, այդ զգում եմ ես,
 անագորոյն թորախտը կեղեքում է սիրտս. իսկ
 վիշտը, անողորմ վիշտը, փութացնում կարճեց-
 նելու կեանքս. ո՛հ, ի՞նչ ես դու, կեանք, ի՞ն-
 չու համար տուեցիր ինձ և ի՛նչու համար կար-
 ճում ես գոյութիւնս, ի՛նչու համար ապրեցայ և
 ի՛նչու համար պիտի մեռնիմ... Ապրեցայ, այո՛,
 ես էլ աշխարհ տեսայ, ես էլ արևի լոյսը տեսայ,
 շնչեցի բնութեան թարմ ու ազատ օդը,
 հոգով սաւառնեցի դէպի վեր, տիեզերքի անհուն
 տարածութիւնը, բայց յետոյ... Յետոյ վիշտ ու
 հոգս, հոգս ու վիշտ և ապա մահիձ, պէպի մեր
 կեանքի վախճանը, այն վախճանը, որի անունն
 անգամ սառեցնում է ամենաարի հոգուն... ո՛հ,
 ձանձրալի է ինձ կեանքը, այն սոսկալի և թշուառ

կեանքը, որ ես վարեցի, բայց ես չեմ ուզում
 մեռնիլ, չեմ ուզում դերեզման մտնել, այն գե-
 րեզմանը, որտեղ մտնողին մոռանում են ամեն-
 քը: Մի քանի ախ ու վախ և ամեն ինչ կը վեր-
 ջանայ... Բայց ո՛վ ունիմ, որ գոնէ վերջին ժա-
 մերս մխիթարի, գոնէ մի կաթիլ արտասուք
 թափի գերեզմանիս վրայ. կինս — ո՛հ, նա Փա-
 նոս աղայի անառակ գիրկը գերադասեց իմ հա-
 մեստ կեանքին. որդիս, որին ինձանից շուտ
 գերեզման ճամփեցին, նա գնաց, կորաւ, էլ չի
 զարթնի, ինչպէս և ես չեմ զարթնի յաւիտեան...
 Ահա, տեսնում եմ, այստեղ մահճակալիս մօտ
 կանգնած է հոգէառ հրեշտակս, նրանից յաւի-
 տենական սառնութիւն է փչում, երակներիս մէջ
 սառչում է արիւնս, սիրտս դադարում է բարա-
 խելուց, բայց ես չեմ ուզում մեռնել, ես պէտք
 է ապրեմ, ես կարօտ եմ ապրելուն...

Այդպէս մտածում էր Միքայէլը և մահուան
 տաղնապի մէջ շուռ ու մուր գալիս անկողնում:
 Սոսկալի հազը խեղդում էր նրան, արիւնը ան-
 ընդհատ դուրս էր ժայթքում նրա բերանից և
 ըոպէ առ ըոպէ նուազեցնում նրան:

Որդու մահուանից յետոյ նա վարձել էր
 հաւաքարում մի սենեակ ամսական երեք ուրբ-
 լիով, ուր հիւանդութիւնը սաստկանալով ընկել
 էր մահիձ և նրան միակ խնամողը մնացել էր
 պառաւ տանտիկինը՝ Քալօն: Քալօն որդի չու-
 նէր, բարի և ժամասէր կին էր. նա շուր հոգու

համար՝ խնամում էր Միքայէլին, նրա հիւանդ ժամանակ, իբրև իսկական մայր անտրտունջ խնամում էր և իւր ազօթքի մէջ Միքայէլին առողջութիւն խնդրում: Մի ամբողջ ամիս էր Միքայէլը պահուած էր հիւանդ և նրա զրուածիւնը օր օրստ օրէ ծանրանում էր:

— Մայրիկ, մի թողնիր ինձ մեռնելու, ես մեղք եմ, դիմեց նրան Միքայէլը:

— Ի՞նչ անեմ, որդի, պատասխանեց Քալօն և երեսը խաչակնքեց. նա տեսաւ որ Միքայէլի զրուածիւնը շատ ծանր է:

— Բաց արա պատուհանը, վերջին անգամ էլ նայեմ լոյս աշխարհին... ո՞հ անագորոյն զրուածիւն:

Քալօն բաց արաւ պատուհանը. այն ինչ Միքայէլը իւր ապականման աչքերը մեծ բահալով յառեց դէպի դուրս, դէպի լոյս, ուր ետում էր կեանքը, ուր տիրապետում էր արեւի կենարար լոյսը... նա մարած աչքերով նայում էր լոյսին, նրա աչքերը շլանում էին այդ լոյսից, և աննկատելի կերպիւ կամաց կամաց, զնում էին լոյսի ետեից, ապամիտի քաշեց ու լոյսի հետ զնաց դէպի դուրս, նա անցաւ պատուհանի միջով, դուրսը շրջան կազմեց, վեր նայեց, այնտեղ էր լոյսը. մեծ և Յախտենական լոյսը: Գենդանութիւն և ջերմութիւն էր գալիս այնտեղից, նա թռաւ վեր, հեռու հեռու, դէպի անհուն և թեքը և ասլակարճ ժամանակից յետոյ

անյայտացաւ երկնային կապտութեան մէջ, ձուլուեց, խառնուեց և թերի հետ, կորաւ, անյայտացաւ աշխարհից... նա մեռաւ... Պառաւ Քալօն մի զոյգ արտասուք միայն թափեց և փակեց Միքայէլի աչքերը...

Աշխարհս նոյնը մնաց, թէև մի մարդ պակասեց...



XX

Փ անոս, ազան ուրախ տրամադրութեան տակ, զլանակը ծխելով շրջում էր իւր առանձնասենեակում: նա այսօր մի մեծ գումար էր ստացել, որ կորած էր հաշւում:

— Հ՛րմ, ասում էր նա ինքն իրան, ամեն բան լաւ է զնում, ինչ մտածում եմ յաջողում է, մնում է Սօնիչկիս բանը վերջացնել, պսակուել նրա հետ, և ինչի չը պսակուել, ինչն է պակաս, բոյր թէ բուսածը, ի՞նչ անենք թէ մարդուցը խլեցի և ի՞նչ արժանի էր որ այս տեսակ անգին մարգարիտը նրա զրկումը լինէր և ինչ լայնիդ էր նրան, Չէ, պէտք է աշխատած շուտ

պսակուել սրա հետ, որ ասա-կօսէնքին էլ վերջ
դնենք, թէեւ ես դրանց նշանակութիւն չեմ
տալիս:

— Ի՞նչ անեմ, քանդուի օրէնքը անպիտան
բահանաները որ չեն պսակում, որ այդտեղ էլ
փողը գօրութիւն չունի, ես ի՞նչ անեմ: Քսան
թուման տէր X...-ի տակը դրի, բայց բան չը-
չինուեց, երեսուն թուման էլ տէր Y...-ը կե-
րաւ, էլի բան չդուրս եկաւ, իսկ տէր Z-ը քիչ
փափուկ է, տեսնենք բան կը դուրս գայ թէ ոչ:
Այդ մտածմունքի մէջն էր Փանոս աղան,
երբ ներս մտաւ Սօնան և փաթաթուելով նրան,
ասաց.

— Ի՞նչ կը տաս մի լաւ լուր հաղորդեմ:

— Ի՞նչ որ քէֆդ տայ, պատասխանեց Փա-
նոս աղան իւր փորրիկ աչքերը պտտեցնելով:

— Մի լաւ դերիացու կառնես:

— Ջուխտ աչքիս վրայ:

— Մի քայէլը մեռել է:

— Դէ արի ճակատիցդ համբուրեմ, վերջա-
պէս, ասաց Փանոս աղան և մի համբոյր դրօշ-
մեց Սօնայի ճակատին:

Արգելը վերացած էր սե յաղթութիւնը կա-
տարեալ և Փանոս աղան կարճ ժամանակից յե-
տոյ պսակուեցաւ Սօնայի հետ:



Handwritten signatures and initials in the top left corner, including a circled 'P' and 'L'.

ՀՀ Ազգային գրադարան



NL0321550

Նոյն նկրնակի ստանձին գրով տպուած աշխատութիւնները

- | | | |
|----|--|-------|
| 1. | ԱՁՈՏ ԵՐԿԱԹ, պատմական վէպ ա. և ք. մասն մի գրքի մէջ ք. տպագրութիւն (տպուած) գինն է | 1 ր. |
| 2. | ՀԻՒՄԵՍԻ ՆՐՆԻՒԸ պատմական վէպ 1801 1829 թ. Կովկասի տիրապետութեան հարկերամեակի յիշատակին գինը | 1 ր. |
| 3. | ՏԱՆՋԱՆՅԻ ԲՈՎԵՅ, վկայ իրական կանքից գինը | 30 կ. |
| 4. | ՄՈՒԹ ԽՈՐՉԵՐԻՅ, զրոյց (տպուած) գ. | 5 կ. |
| 5. | ԳԻԱՏՐԱ ԱՐԾԱ կամ խանձուած քար, Կարմեն Սիլվայից, թարգմանութիւն (տպուած) գ. | 5 կ. |
| 6. | ՍԵՒ ԱՎԳՐԱՆԱԿ, վկայիկ գինը | 25 կ. |

Գինել նկրնակին՝ Тифлисть, Багра-
 Айназянцу.

Վերայրշիպ գրքերը վաճառում են Աննոյր-
 նական գրավաճառանոցում, իսկ Յազում գ.
 Յովհաննէս Վաղանշեանի մօտ: